

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ  
ВАЗИРЛИГИ**

**ЎЗБЕКИСТОН ДАВЛАТ САНЪАТ ВА МАДАНИЯТ ИНСТИТУТИ  
ҲУЗУРИДАГИ ПЕДАГОГ КАДРЛАРНИ ҚАЙТА ТАЙЁРЛАШ ВА  
УЛАРНИНГ МАЛАКАСИНИ ОШИРИШ ТАРМОҚ МАРКАЗИ**

**“Тасдиқлайман”**

Малака ошириш тармоқ маркази  
директори

\_\_\_\_\_ О. А. Хасанов  
2015 йил «\_\_\_» \_\_\_\_\_

**“РЕЖИССУРАДА АСАР ТАҲЛИЛИ” МОДУЛИ БЎЙИЧА**

**ЎҚУВ-УСЛУБИЙ МАЖМУА**

Тузувчи: Доцент М. Умаров

Тошкент – 2015

## **МУНДАРИЖА**

ИШЧИ ДАСТУР .....	3
МАЪРУЗА МАТНИ .....	12
1-Мавзу: Режиссура асослари .....	12
2-Мавзу: Саҳнавий асарнинг ҳатти-ҳаракатли таҳлили .....	20
3-Мавзу: Асар мавзуси ва унинг долзарбилиги .....	27
4- мавзу: Саҳна макон композицияси.....	42
ДИДАКТИК МАТЕРИАЛЛАР .....	56
ГЛОССАРИЙ .....	59

## **ИШЧИ ДАСТУР**

### **Кириш**

Мустақиллик даврининг энг муҳим ютуқларидан бири Ўзбекистонда таълим тизимининг ислоҳ қилиниши билан боғлиқдир. Зеро, эркин ва озод Ватаннни барпо этиш ва унинг қудратини мустаҳкамлаш учун замонавий ва чуқур билимга эга кадрлар зарурлигини ўз вақтида ҳис этган Президентимиз ташаббуси билан эълон қилинган “Таълим тўғрисида”ги Қонун ва Кадрлар тайёрлаш миллий дастури ҳозирги кунда ўз самарасини бермоқда. Мамлакатимизда ҳозирги кунда яратилган таълим тизими кўплаб хорижий мамлакатлар томонидан тан олиниб, ундан андазалар олиниши ва амалиётга татбиқ этилиши мамлакатимиздаги таълим тизимининг муваффақиятини исбот қиласди. Таълим тизимини такомиллаштириш ишларини доимий равишда олиб бориш учун имконият яратиб бераётган Қонун ва Дастанга кўра юртимизда таълим муассасалари педагогларини тайёрлашдаги айrim камчиликларни ҳам бартараф этиш даври етиб келди. Зеро, юртбошимиз И.А.Каримов таъкидлаганидек, “Таълим-тарбия тизимини ўзгартирмасдан туриб, биз кўзлаган олий мақсад – озод ва обод жамиятни барпо этиб бўлмас” эди.

Олий таълим муассасалари педагогларини қайта тайёрлаш ва уларнинг малакасини ошириш тизими шу давргача собиқ Совет тизими даврида яратилган тартибда амалга ошириб келинаётган эди. Ҳозирги кунга келиб ушбу тизимни янада такомиллаштириш асосида бозор муносабатларига мослашган янги тизимни ташкил этиш зарурати туғилди. Шу муносабат билан Ўзбекистон Республикаси Президентининг 2015 йил 12 июнда “Олий таълим муассасаларининг раҳбар ва педагог кадрларини қайта тайёрлаш ва малакасини ошириш тизимини янада такомиллаштириш чора-тадбирлари тўғрисида” ги ПФ-4732-сонли Фармони эълон қилинди. замонавий талаблар асосида қайта тайёрлаш ва малака ошириш жараёнларининг мазмунини такомиллаштириш ҳамда олий таълим муассасалари педагог кадрларининг касбий компетентлигини мунтазам ошириб боришни мақсад қиласди.

Мазкур Фармонга кўра янгидан барпо этилаётган тизимда олий таълимнинг норматив-ҳукуқий асослари ва қонунчилик нормалари чуқур ўрганилиши, жаҳон тажрибасидаги илғор таълим технологиялари ва педагогик маҳоратнинг шакллантирилиши, таълим жараёнларида ахборот-коммуникация технологияларини кенг қўллашга тайёрлаш, хорижий тилни амалий жиҳатдан мустаҳкам ўзлаштириш, тизимли таҳлил ва қарор қабул қилиш асослари билиш, маҳсус фанлар негизида илмий ва амалий тадқиқотлар қўлламини янада кенгроқ ўзлаштириш, технологик тараққиёт ва ўқув жараёнини ташкил этишнинг замонавий услублари бўйича сўнгги ютуқлардан хабардорликни ошириш, педагогнинг касбий компетентлиги ва креативлиги, глобал Интернет тармоғи,

мультимедиа тизимлари ва масофадан ўқитиш усулларини ўзлаштириш бўйича билим, кўникма ва малакаларини шакллантириш масалаларига алоҳида эътибор қаратилган.

Ушбу дастур таълим ва тарбия жараёнларини ташкил этиш ва бошқаришнинг меъёрий хуқуқий асослари жумладан: Ўзбекистон Республикасининг Конституцияси, Ўзбекистон Республикасининг “Таълим тўғрисида”ги Қонуни, Кадрлар тайёрлаш Миллий дастури, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари хамда Олий ва ўрта маҳсус таълим вазирлигининг буйруқлари асосида ишлаб чиқилган. Унда чолғу ижрочилигининг анъанавий ва замонавий турларига оид тарихий маълумотлар, шунинг ижрочиликнинг ривожланиш босқичлари билан боғлиқ маълумотлар берилган.

### **Модулнинг мақсади ва вазифалари**

“Режиссурада асар таҳлилиниң назарий асослари” модулининг мақсади: педагог қадрларни қайта тайёрлаш ва малака ошириш курси тингловчиларини режиссуранинг замонавий шаклланиши, ижоднинг босқичларининг назарий ва амалий ривожини сингдирилиши; “Режиссрлик санъати (турлари бўйича)” йўналишида педагог қадрларнинг касбий билим, кўникма, малакаларини узлуксиз янгилаш ва ривожлантириш механизмларини яратиш;

#### **Тингловчи:**

- режиссрни тарбиялашда мавжуд замонавий ўқув воситалари ва шаклларини;
- замонавий ўқув-бадиий машғулот турлари;
- режиссрлик йўналиши фанларини ўқитишдаги илфор хорижий тажрибаларни;
- режиссурада инновацион жараёнларни;
- режиссрлик санъатининг турли жанрларида етук асарлар яратиш тенденцияларини;
- актёрлик санъатининг эстетикасини;
- спектаклларни хорижий тилда саҳналаштириш услубларини;
- замонавий талабдаги машғулотларни яратиш ва олиб бориш мезонларини;
- замонавий саҳна ва экран томошларида бадиийлик ва ҳаётий ҳақиқат кўринишларини;
- Замонавий режиссрлик санъатида олиб борилаётган долзарб масалаларни **билиши** керак.

#### **Тингловчи:**

- режиссрлик санъати таълимида аудио ва видео ёзувларини яратиш ва қўллаш;
- режиссрлик ишларда даврнинг илфор-бадиий ғояларидан самарали фойдаланиш;

•саҳна макони композициясини таъминловчи омиллардан унумли фойдаланиш;

•тариҳий шахслар образлари устида ишлашда кийимларга мослашув усулларини эгаллаш “Режиссурада асар таҳлилиниң назарий асослари” фанида рўй берадиган инновацияларни амалиётга тадбиқ этиш;

- фан ўқитилишини такомиллаштириш;

- анъанавий таълим тизимини бойитиш ва модернизациялаш;

#### **Тингловчи:**

•оммавий байрамларни ташкил этишда замонавий инновацион технологиялардан фойдаланиш;

•режиссурада машқлар, этюдлар, бадиий асарлар асосида саҳнавий парчалар устида ишлаш;

- режиссёрлик санъатининг тури жанрларида етук асарлар яратиш тенденцияларини амалда қўллаш;

- саҳнавий асарнинг хатти-ҳаракатли таҳлили қоидаларини эгаллаш;

- саҳна макони композициясини таъминловчи омилларни ўзлаштириш;

- режиссура соҳасидаги модернизация ва ўзгаришларни эгаллаб олиш ҳамда мазмун моҳиятини етказиши **малакалариға эга бўлиши зарур.**

#### **Тингловчи:**

- режиссёрлик санъатида яхлит саҳнавий асар яратиш;

- насрий асарларни замонавий усулларда лойиҳалаш;

- режиссёрлик ишларда даврнинг илғор-бадиий ғояларини рўёбга чиқариш;

- режиссёрлик йўналиши бўйича илмий тадқиқот билан шуғулланиш **компетенциялариға** эга бўлиши лозим.

### **Модулни ташкил этиш ва ўтказиши бўйича тавсиялар**

“Режиссура санъати” курси маъруза ва амалий ҳамда кўчма (сайёп) машғулотлар шаклида олиб борилади.

Курсни ўқитиши жараёнида таълимнинг инновацион методлари, ахборот-коммуникация технологиялари қўлланилиши назарда тутилган:

- маъруза дарсларида замонавий компьютер технологиялари ёрдамида презентацион ва электрон-дидактик технологиялардан, шунингдек анъанавий ва замонавий ижро услубларидан;

- ўтказиладиган амалий машғулотларда техник воситалардан, экспресс-сўровлар, тест сўровлари, ақлий хужум, гурухли фикрлаш, кичик гурухлар билан ишлаш, таълим жараёнида саҳнада образ яратиш услубларини ўргатиш анъанавий ва замонавий ижро маҳоратини шакллантириш ва бошқа интерактив таълим усулларини қўллаш назарда тутилади.

### **Модулнинг ўқув режадаги бошқа модуллар билан боғлиқлиги ва узвийлиги**

“Режиссурада асар таҳлилиниң назарий асослари” модули мазмуни ўқув режадаги “Актёрлик маҳорати”, “Замонавий режиссурада инновацион

технологиялар”, “Саҳна ҳаракати ва пластикаси”, “Саҳна нутқи” “Жаҳон актёрлик санъати ва назарияси” ўқув модуллари билан узвий боғланган ҳолда педагогларнинг режиссура соҳаси бўйича касбий педагогик тайёргарлик даражасини орттиришга хизмат қилади.

### **Модулнинг олий таълимдаги ўрни**

Модулни ўзлаштириш орқали тингловчилар таълим ва тарбия жараёнларида режиссура санъати билан боғлиқ маълумотларни ўзлаштириш, уларни таҳлил этиш, илғор ютуқларни амалда қўллаш ва баҳолашга доир касбий компетенцияга эга бўладилар.

### **Модул бўйича соатлар тақсимоти**

№	<b>Модул мавзулари</b>	<b>Хаммаси</b>	<b>Тингловчининг ўқув юкламаси, соат</b>					<b>Мустакил таълим</b>	
			<b>Аудитория ўқув юкламаси</b>						
			<b>Жумладан</b>	<b>Назарий</b>	<b>Амалий машғулот</b>	<b>Кўчма машғулот</b>			
1.	Режиссура асослари	2	2	2					
2.	Саҳнавий асарнинг ҳатти-ҳаракатли таҳлили.	6	4	2	2			2	
3.	Асар мавзуси ва унинг долзарблиги.	2	2	2					
4.	Саҳна макони композицияси.	4	4	2	2				
5.	Яхлит саҳнавий асар яратиш.	4	2		2			2	
6.	Режиссёрнинг актёрлар билан индивидуал ишлаши.	6	6		4	2			
7.	Режиссёрнинг рассом (сценограф, реквизитор, бутафор) билан ишлаши	2	2		2				
<b>Жами 26</b>		<b>26</b>	<b>22</b>	<b>8</b>	<b>12</b>	<b>2</b>	<b>4</b>		

### **НАЗАРИЙ МАШГУЛОТЛАР МАЗМУНИ**

#### **1-Мавзу: Режиссура асослари (2 соат)**

##### **Режа**

1. Кузатувчанлик, тасаввур, фантазиянинг касбий ахамияти.
2. Режиссёрнинг адабий манбаа, пьеса устида ишлаши
3. Режиссёр ва мезонсаҳна.

“Режиссура — бу спектакл яратиш санъатидир.”, — дейди Станиславский. Ҳар қандай санъатнинг вазифаси эса бадиий образ яратишдир. У кузатувчанлик ва фантазияга асосланади. Театр саҳнасидағи бадиийлик драматик асар асосида келиб чиқади. Режиссёрнинг пьеса устида ишлаши, уни бадиий баркамол саҳна асари даражасига етказа олиш қобилияты театр санъатида асосий омил ҳисобланади.

## **2 мавзу: Саҳнавий асарнинг ҳатти-харакатли таҳлили. (2 соат)**

### **Режа**

1. Ҳатти-харакат ва унинг таҳлили талқинлари.
2. Саҳнавий ҳатти-харакат.
3. Пьесанинг етакчи узлуксиз ҳатти-харакати

Ҳатти - ҳаракат таҳлили услуги - бир турдаги санъат тимсолларини мутлоқ фарқ қиласынан бошқа санъат тури тимсолларига үтқазишида. Яғни, адабиёт, драматургияда яратылған тимсолларни саҳнавий ижод жараёнiga үтказабишилик. Ҳатти - ҳаракат таҳлили услубининг адабий таҳлилдан фарқи шундадир.

## **3-Мавзу: Асар мавзуси ва унинг долзарбилиги. (2 соат)**

### **Режа**

1. Мавзунинг бугунги кундаги аҳамияти.
2. Асарда илгари сурилған ижтимоий-сиёсий фикр, мазмун ва ғоя.

Тингловчилар томонидан назарий билимларни ўзлаштириш, ҳамда амалий күнікмаларга эга бўлиш жараёнida “Зиг - заг”, “Кластер”, “Ақлий хужум”, “Кейс-стади” каби илғор педагогик технологияларни қўллаш тавсия этилади.

## **4- мавзу: Саҳна макон композицияси. (2 соат)**

### **Режа**

1. Оммавий томошалар маконий композицияси.
2. Мезонсаҳналаштириш асоси.
3. Саҳна безаги ва мезонсаҳна

Дарс жараёнida фаннинг мавзулари мантиқий кетма-кетлиқда келтирилади. Ҳар бир мавзунинг моҳияти асосий тушунчалар ва тезислар орқали очиб берилади. Бунда мавзу бўйича тингловчиларга замонавий педагогик технологиялар асосида билим ва күнікмаларни қамраб олади.

## **АМАЛИЙ МАШГУЛОТЛАР МАЗМУНИ**

Маърузадан сўнг режалаштирилған дастлабки икки мавзу бўйича амалий машғулотлар маъруза машғулотининг мавзуси асосида ташкил этилади. Бунда тингловчилар мустақил равишда, шунингдек педагог томонидан таклиф этилган йўналиш бўйича амалий топшириқларни бажарадилар. Топшириқ ёзма, савол-жавоб тарзида ёки амалий ижро ёки бошқа шаклда бажарилиши мумкин.

Назарий таълим режалаштирилмаган амалий машғулотлар қуий келтирилган режалар асосида ташкил этилади. Амалий машғулотлар тингловчиларнинг таклиф этилаётган мавзуга бўлган муносабатини ёзма, оғзаки жавоб ёки амалий ижро кўринишларида ифода этишлари учун имкон яратиши кўзда тутилган. Амалий машғулотлардаги режалаштирилган масалалар педагог томонидан маҳсус тайёрланган тарқатма материаллар, ёзма манбалар, қўшимча воситалар, шунингдек мусиқа чолғуларидан амалий фойдаланиш орқали тингловчиларнинг фаоллигини ошириш учун хизмат қилиши керак.

### **1-Мавзу: Саҳнавий асарнинг ҳатти-ҳаракатли таҳлили. (2 соат)**

#### **Режа**

1. Ҳатти-ҳаракат ва унинг таҳлили талқинлари.
2. Саҳнавий ҳатти-ҳаракат.
3. Пъесанинг етакчи узлуксиз ҳатти-ҳаракати

Ҳатти - ҳаракат таҳлили услуби - бир турдаги санъат тимсолларини мутлоқ фарқ қиласиган бошқа санъат тури тимсолларига ўтқазишида. Яъни, адабиёт, драматургияда яратилган тимсолларни саҳнавий ижод жараёнига ўтказабилишлик. Ҳатти - ҳаракат таҳлили услубининг адабий таҳлилдан фарқи шундадир.

### **2- мавзу: Саҳна макон композицияси. (2 соат)**

#### **Режа**

1. Оммавий томошалар маконий композицияси.
2. Мезонсаҳналаштириш асоси.
3. Саҳна безаги ва мезонсаҳна

Дарс жараёнида фаннинг мавзулари мантиқий кетма-кетлиқда келтирилади. Ҳар бир мавзунинг моҳияти асосий тушунчалар ва тезислар орқали очиб берилади. Бунда мавзу бўйича тингловчиларга замонавий педагогик технологиялар асосида билим ва кўнималарни қамраб олади.

### **3- мавзу: Яхлит саҳнавий асар яратиш. (2 соат)**

#### **Режа**

1. Яхлит асар яратишида саҳнавий воқейлик тизимини аниқлаш Ижрони спектакл муҳитига буйсундириши.
2. Асарни ташкил этувчи тушунчалар ва жиҳатларнинг ўзаро алоқаси
3. Актёрнинг психофизик ҳолатини белгилаш, роль, вазифа ва ҳаракатни белгилаш.

### **4- мавзу: Режиссёрнинг актёрлар билан индивидуал ишлаши. (4 соат)**

Режиссёр ҳар бир актёр билан алоҳида – индивидуал ишлаш жараёнларида актёр ижросининг ўзига хослиги, қаҳрамоннинг олий мақсади ва етакчи ҳатти-ҳаракатини аниқлаш.

**5 - мавзу: Режиссёрнинг рассом (сценограф, реквизит, бутафор) билан ишлаши  
(2 соат)**

1. Асар ғоясини очиб беришда рассом билан ишлаш.
2. Реквизит, бутафориялар спектаклда таъсирчан восита сифатида.
3. Спектакль жараёнида режиссёрнинг реквизит ва бутафориялардан фойдаланиши.

**КҮЧМА МАШГУЛОТЛАР МАЗМУНИ**

Тингловчилар билан “Дийдор” театр студиясига ташриф буюрилади.

**МУСТАҚИЛ ТАЪЛИМ**

**Мустақил таълимни ташкил этишнинг шакли ва мазмуни**

Мустақил таълим тегишли ўқув модули бўйича ишлаб чиқилган топшириқлар асосида ташкил этилади ва унинг натижасида тингловчилар битирув иши (лойиха иши) ни тайёрлайди.

Битирув иши (лойиха иши) доирасида ҳар бир тингловчи ўзи дарс берадиган фани бўйича электрон ўқув модулларининг тақдимотини тайёрлайди.

Электрон ўқув модулларининг тақдимоти қўйидаги таркибий кисмлардан иборат бўлади:

Силлабус;

Кейслар банки;

Мавзулар бўйича тақдимотлар;

Бошқа материаллар (фанни ўзлаштиришга ёрдам берувчи қўшимча материаллар: электрон таълим ресурслари, маъруза матни, глоссарий, тест, кроссворд ва бошқ.)

Электрон ўқув модулларини тайёрлашда қўйидагиларга алоҳида эътибор берилади:

- тавсия қилинган адабиётларни ўрганиш ва таҳлил этиш;
- соҳа тараққиётининг устувор йўналишлари ва вазифаларини ёритиш;
- мутахассислик фанларидағи инновациялардан ҳамда илғор хорижий тажрибалардан фойдаланиш

Шунингдек, мустақил таълим жараёнида тингловчи касбий фаолияти натижаларини ва талабалар учун яратилган ўқув-методик ресурсларини “Электрон потрфолио” тизимиға киритиб бориши лозим.

## **ФОЙДАЛАНИЛГАН АДАБИЁТЛАР РЎЙХАТИ**

### **I. Ўзбекистон Республикаси Президентининг асарлари:**

1. И.А.Каримов. Юксак маънавият – енгилмас куч. - Т.: «Маънавият». 2008.-176 б.
2. И.А.Каримов. Ўзбекистон мустақилликка эришиш остонасида. - Т.: “Ўзбекистон”. 2011.-440 б.
3. Каримов И.А. “Миллий театримиз – ифтихоримиз”. Тошкент шаҳрида Академик Драма Театри янги биносининг очилиш маросимида сўзлаган нутки. 2001 йил 30 август.
4. И.А.Каримов. Она юртимиз баҳту-иқболи ва буюк келажаги йўлида хизмат қилиш энг олий саодатдир. –Т.: “Ўзбекистон”. 2015.

### **II. Норматив-ҳуқуқий хужжатлар**

1. Ўзбекистон Республикаси Президентининг 2015 йил 12 июндаги “Олий таълим муасасаларининг раҳбар ва педагог кадрларини қайта тайёрлаш ва малакасини ошириш тизимини янада такомиллаштириш чора-тадбирлари тўғрисида” ги ПФ-4732-сон Фармони.
2. Ўзбекистон Республикаси Вазирлар Маҳкамасининг 2006 йил 16-февралдаги “Педагог кадрларни қайта тайёрлаш ва уларни малакасини ошириш тизимини янада такомиллаштириш тўғрисида”ги 25-сонли Қарори.
5. Ўзбекистон Республикаси Вазирлар Маҳкамасининг 2012 йил 26 сентябрдаги “Олий таълим муассасалари педагог кадрларини қайта тайёрлаш ва уларнинг малакасини ошириш тизимини янада такомиллаштириш чора-тадбирлари тўғрисида”ги 278-сонли Қарори.

### **III. Махсус адабиётлар**

1. Абдусаматов Ҳ. “Драма назарияси”. Т.: Ғафур Ғулом номидаги Адабиёт ва санъат нашриёти, 2000. – 227 б.
2. Исмоилов М. “Актёрлик маҳорати ва актёрлик маҳорати бўйича ўтказиладиган амалий машқлар” Т.: Ўз РФААК босмахонаси. 2007. – 231 б.
3. Маҳмудов Ж., Маҳмудова Ҳ. “Режиссура асослари”. Т.: ЎзДСМИ босмахонаси. 2008.
4. Маҳмудов Ж., Маҳмудова Ҳ. “Актёрлик маҳорати асослари”. Т.: ЎзДСМИ босмахонаси. 2008. – 186 б.
5. Маҳмудов Ж. Саҳна композицияси алифбоси. Т.: Ўзбекистон файласуфлари миллий жамияти нашриёти. 2006. – 206 б.
6. 30. Сайфуллаев Б., Маматқосимов Ж. Актёрлик маҳорати. Т.: Фан ва технология, 2012. – 322 б.
7. Станиславский К.С. Актёрнинг ўз устида ишлаши. Т.Хўжаев таржимаси С.Мухамедов муҳаррирлигига. Т. Янги аср авлоди. 2010. – 288 б.

### **III. Электрон таълим ресурслари**

1. [www.ziyonet.uz](http://www.ziyonet.uz)
2. [www.edu.uz](http://www.edu.uz)
3. [www.infocom.uz](http://www.infocom.uz)
4. [www.learnenglishkids.britishcouncil.org/en/](http://www.learnenglishkids.britishcouncil.org/en/)
5. [www.learnenglishteens.britishcouncil.org/](http://www.learnenglishteens.britishcouncil.org/)
6. [www.learnenglish.britishcouncil.org/en/](http://www.learnenglish.britishcouncil.org/en/)
7. [www.gov.uz](http://www.gov.uz)
8. [www.lugat.uz](http://www.lugat.uz)
9. [www.bimm.uz](http://www.bimm.uz)
10. [www.uzdsmi.uz](http://www.uzdsmi.uz)
11. [www.uzdsmimarkaz.uz](http://www.uzdsmimarkaz.uz)

## МАЪРУЗА МАТНИ

### 1-Мавзу: Режиссура асослари Режа

1. Кузатувчанлик, тасаввур, фантазиянинг касбий ахамияти.
2. Режиссёрнинг адабий манбаа, пьеса устида ишлаши
3. Режиссёр ва мезонсаҳна.

**Калит сўзлар:** Актёр — драма, опера, балет, қўғирчоқ театри, цирк, театр, кино, радио (инсценировка, постановка, монтаж) ва телевидениеда муаллиф персонаж учун белгилаган “акт” — ҳаракатни бажаришга қудрати етадиган ижодкор-ижрочи.

**Асосий воқеа** — бош қаҳрамоннинг етакчи хатти-ҳаракатини бошлаб беради ва пайдо бўлган янги шароит билан кураш бошланадиган қисм.

**Воқеа** — спектаклдаги хатти-ҳаракатларнинг таянчи, макон ва замонда кечадиган ҳаёт тарзи бўлиб, у мақсадли ҳаракатни пайдо қиласидиган шарт-шароитлар йифиндицидир. Ёки мақсадли ҳаракатнинг макон ва вақт бирлигига амалга ошиши — воқеа дейилади. У томошанинг қалбидир.

**Диктатор режиссёр** — фақат ўзини айтганини қаттиқўллик билан бажартирувчи, ўзини театрда ягона ҳоким деб билувчи шахс.

**Драма** — юонончада “ҳаракат қилмоқ” маъносини англатади. ва трагедия ҳамда комедиядан ўзига тегишли жиҳатларни жамлаган жанр. Унда персонажлар ижобий ва салбий сифатларга ажralади

“Режиссура — бу спектакл яратиш санъатидир.”, — дейди Станиславский. Ҳар қандай санъатнинг вазифаси эса бадиий образ яратишдир. У кузатувчанлик ва фантазияга асосланади. Театр саҳнасидаги бадиийлик драматик асар асосида келиб чиқади. Режиссёрнинг пьеса устида ишлаши, уни бадиий баркамол саҳна асари даражасига етказа олиш қобилияти театр санъатида асосий омил ҳисобланади.

Ҳамма санъат турларидек режиссура ҳам ўзининг таркибий қисмлар яъни элементларига эга. Театр санъати синтетик табиатли ва жамоавий ижод тури бўлгани учун ҳам режиссёр уларни бошқариб ўз режасини амалга ошириш ниятида уйғуллаширади.

Театр санъатининг таячи ҳисобланган актёрлик маҳорати ўз унсурларига эга бўлгани каби режиссура ҳам ўзининг таҳлил, талқин, ифодалаш ва жиҳозлаш элементларига эга. Аввало жиҳозлаш элементларига тўхталсак. Улар — актёrlар, рассом, композитор, балетмейстер, боймейстер, хормейстер, овоз режиссёри, чироқ устаси, пардозчи, либосчи, бутафор ва реквизитор билан ишлаш каби ижодий жабҳаларни ўз қамровига олади.

Режиссурасанъати таҳлил, талқин ва ифодалаш элементларисиз, жиҳозлаш жабҳалари гўё кераксиздай бўлиб қолади. Уларнинг таркиби қуидаги элементлардан иборат.

1.Композиция — саҳна асари воқеаларининг тизимли тартибини аниқлаш.

2.Саҳнавий атмосфера — воқеа, макон ва вақт муҳитини яратиш.

3.Мизансцена — саҳнада актёрларни ва жиҳозларни мақсадга мувофиқ жойлаштириш.

4.Темпо-ритм — муҳит ва воқеанинг руҳий иситмаси, эҳтирос даражаси.

5.Саҳнавий ҳақиқат — юқоридагиларнинг актёрлар ҳаракатида уйғунлашиши, ижодий кайфиятни ва муҳит ҳақиқатини пайдо қиласи.

Композиция — асар воқеаларининг таркибий тузилиши ва жойлашиши бўлиб, спектакл ҳам ҳар қандай бадиий асардек ўзининг ички композицион қурилиш қоидаларига бўйсуниши керак. Композиция — бўлаклар билан яхлитлик ўртасидаги ўзаро мувозанатdir. Бадиий спектакл синтезлашган бир неча бўлаклардан ташкил топади. Бир воқеанинг иккинчиси билан боғликлиги ва барча таркибий қисмларнинг спектаклда ўзаро умумий уйғунлиги композициянинг мукаммаллигидан далолат беради.

Спектакл композициясини аниқлаш устида иш олиб борган режиссёр биринчи навбатда, пьеса таркибий қисмларини мантиқий бўлакларга ажратади ва уларни номлай олади. Лекин спектакл композицияси ҳамма вақт ҳам пьеса композициясига мос келавермайди. Чунки, томошанинг бадиий яхлитлиги режиссёр режасига ва спектаклнинг олий мақсадига боғлиқ. Бу — пьеса муаллифи ва режиссёр олий мақсади бир-бирига қарама-қарши қўйилиши мумкин, деган гап эмас. Режиссёрнинг олий мақсади муаллиф ғоясидан келиб чиқиб, ўз фикри ва топималарини уйғунлаштирган ҳолда талқин этишдан иборат. Шунинг учун режиссёр талқини пьеса композициясини қайтариб, агар лозим топса, унинг ғоясига таъсир қилмаган ҳолда ўзгартириши ҳам мумкин. Масалан, пьесадаги айрим қўринишларни олиб ташлаши ёки пьесада йўқ, лекин у ердаги воқеани кескинлаштирадиган саҳна қўшиши ва бу орқали пьеса композициясини ўзгартириб юбориши ҳам мумкин. Бунинг учун саҳналаштирувчи режиссёр композиция қонунларини яхши билиши керак. Асарнинг жанри ёки давр муҳитидан қатъий назар драматургиядаги композиция талаблари қуидагилардан иборат:

-кириш (экспозиция) — парда очилганда нима бўляпти?, қачон ва қаерда бўляпти?, деган саволларга жавоб бериб томошабинни асар муҳитига олиб кирадиган қисм;

-тутун (завязка) — энди нима бўлар экан?, деган муаммони пайдо қиладиган ва интригани қучайтирадиган қисм. Ҳал қилиниши зарур бўлган муҳим масалани пайдо бўлиши;

-ривожланиш (развитие) — персонажларнинг ўзаро курашини кескинлаштириб, интригани ошириб борадиган қисмлар;

-авж (кульминация) — курашнинг энг кескин нуқтаси ва асар перипетиясини белгилайдиган қисм;

-ечим (развязка) — курашнинг барҳам топиши ва ғоянинг очилишига хизмат қиласидиган якуний қисм.

Спектаклнинг неча парда ҳамда нечта қўринишдан иборат бўлиши режиссёр талқинини оқладиган олий мақсадига мувофиқ бўлади ва композиция томошанинг ғоявий-бадиий сифатини ошириш мақсадида қайта қўриб чиқилади.

Пьеса устида ишлаётган режиссёр асарни юқоридаги талаблар асосида композиция бўлакларига бўлиб олади. Репетицияда ҳар бир бўлакни — воқеани актёрлар билан алоҳида-алоҳида ишлаб боради. Тайёр бўлган бўлаклар спектаклнинг умумий оқимиға қўйилади. Бу бўлаклар композиция талаблари асосида репетиция қилинмаса, таркибий қисмларни бир-бирига узвий ва мантиқий боғлаш қийин кечади. Шунинг учун композиция талаблари асосида воқеалар оқимидағи умумий барпо этиш режиссёрнинг асосий вазифасидир. Композиция талаблари асосида режиссёрлик урғуларини тўғри ва яққол ифодалаш спектакл ғоясини томошабин калбига жойлаб қўйишга ёрдам берадиган унсиридир. Спектакл композициясини ўз режаси асосида тузиб чиқиши, бальзан қайта қуриб, уни амалга ошириш режиссёрдан катта қобилият, ижодий меҳнат, сабот ва изланишлар талаб этади.

Ҳар қандай пьеса маълум вақтда ва маълум шарт-шароитда рўй берадиган воқеалар тизимини акс эттиради. Пьеса ёзишда драматург учун манба бўлиб ҳизмат қилган воқелик руҳиятини режиссёр сахнада кайтадан яратади. Демак, композицияни аниқлаш спектакл учун бошланғич унсур бўлиб, пьесадаги воқеалар ривожини аниқлашга ҳизмат килади.

Сахнавий атмосфера — воқеа муҳити эса қуидаги театр ифода воситалари орқали яратилади. Улар: мавзу, ғоя ва воқеалар тартибига асосланган режиссёрлик талқини; декорация, бутафория, реквизит, либос (костюм), грим, музика, театр шовқинлари, нур ва ранг; макон ва замонни ифодалайдиган рамзий ечимлар; уларни ўзида уйғунлаштирадиган актёрлар ижросидан иборат. Демак, сахнавий атмосфера бир неча касбдаги санъаткорларнинг биргалиқдаги ижодий меҳнати синтезлашиши орқали барпо этилади.

Пьесадаги воқеа — қайси ерда, қачон ва қандай шароитда содир бўлганини муаллиф асар ремаркаларида ёки кириш қисмида тасвиirlаб беради. Бу ремаркадан қандай фойдаланиш режиссёрга ва бошқа спектакл яратувчиларга боғлиқ. Айрим мувллифлар пьесаларида ифода этилган воқеалар қандай шарт-шароитда бўлиб ўтганини айтмай, бу ихтиёри театрга топширади. Бундай пайтларда сахнавий атмосфера яратиш режиссёр режасига, унинг қобилиятига, пьесанинг

композициясига, мавзунинг дал зарблигига ва ғоянинг умуминсонийлиги каби қатор омилларга боғлиқ бўлади.

Саҳнавий атмосфера фақат воқеа қайси ерда ва қачон бўлишини томошабинга тушунтирибгина қолмай, нима учун шундай бўлганлигини ифодалаш орқали режиссёр ўз фикрларини янада таъсирлирок намоён қилиши учун ва энг кучли тасвирий восита сифатида спектаклнинг руҳий муҳитига таянади.

Устоз режиссёrlар таъкидлаганлариdek — ҳар қандай ижодкор ҳаётга ўз шахсий “кўзойнаги” орқали қарайди ва бундай кўз ойнак ҳар бир муаллифда ҳар хил бўлиб, турли хил рангта эгадир. Саҳнада — одамзоднинг атрофини ўраб турган жиҳозлар ва инсонлар билан бўладиган ўзаро муносабатлар орқали воқеа муҳити вужудга келади. Саҳнавий атмосфера режиссёrnинг олий мақсади ва актёрларнинг етакчи хатти-ҳаракати билан боғлиқ бўлган воқеалар тизими орқали юзага чиқади.

Атмосфера атамаси ҳаракатчан тушунчадир. У ҳар бир воқеанинг берилган шарт-шароити ва унга бўлган муносабатларнинг ўзгаришидан муҳит келиб чиқади ва бу муҳит ҳам ўзгарувчандир. Чунки, инсонлар яшаёттан давр ва жойнинг хавоси-муҳити ҳам ўзгариб туради. Саҳнада тўғри топилган атмосера ва уни амалга ошириш учун топилган воситалар режиссёр ҳамда актёрлар ҳамкорлиги маҳсулидир.

Мизансцена — режиссуранинг асосий элементларидан бири бўлиб, у фақатгина актёрлик санъатига мансубдир. Актёр ярататётган образи ички кечинмалар ҳам ташқи ифодалар жиҳатидан мукаммал бўлиши учун унинг гавдасида — вужудида воқеа муҳитининг юки бўлиши лозим. Мизансцена эса”юкли” актёрларнинг саҳнада бир-бирларига ва жиҳозларга нисбатан тўғри, яъни мақсадга мувофиқ жойлашиши ҳамда жой алмаштиришларидир. Бу масала билан шуғулланадиган режиссёр актёрларни саҳнага сифдириш билан чегараланмасдан, ҳар бир харакат маъносини томошабинга етказиб беришга интилиши лозим. Бунинг учун саҳнада ҳар бир воқеада ёки эпизодда асосий ҳисобланган персонажни томошабин эътиборига яқинроқ ва ёрқинроқ олиб бориш мақсадида мизансцена куриши керак. Демак, режиссёр ҳар бир саҳна ва кўриниш асосини очиб берувчи, унинг мағзини ифодаловчи, персонажлар ҳаракатини ҳамда мақсадини ойдинлаштирувчи мизансценалар топиши зарур. Мизансценалар актёрларнинг мақсадига, ҳарактерига, мақсадга мувофиқ курашига қараб — якка, гуруҳли ва оммавий турларга бўлинади.

Якка тартибдагиси — гавданинг пластик мизансценаси актёрларнинг образи мағзидан келиб чиқиб, унинг хулқ-атворини, одатларини, касби, ҳарактери, ёши, темпераменти, берилгаи шарт-шароит ва мақсадидан келиб чиқиб қиласидан жисмоний хатти-ҳаракатлари ҳамда ўзаро муносабатлари ифодасидир.

Грухли мизансценалар диалогларда туғуладиган ўзаро мунасабатларни ифодалайдиган харакатлар нисбатидир. Оммавий мизансценалар эса халқ вакилларининг воқеага муносабатини ифодалайдиган саҳнавий жойлашишdir.

Мизансценаларнинг барча тури режиссёр режасига ва персонажлар курашига мувофиқ юзага чиқарилади. Демак, актёрларнинг саҳнавий бўшлиқда жойлашуви мақсадга мувофиқ ҳаракат бўлиб, ўз аҳамияти билан саҳнавий “тилга” айланиши лозим. Бу борада 1921 йили Станиславский томонидан саҳналаштирилган Гоголнинг “Ревизор” спектаклидаги финал саҳнасининг мизансенаси характерлидир. Унда шаҳар ҳокими ролини ижро эган Москвин сўнгги саҳнада худди томоша залига ўтмоқчи бўлгандек, саҳнанинг энг олдига келади. Бу вақтда залнинг чироқлари ёқилиб, саҳнадаги барча хатти-ҳаракат тўхтайди. Москвин — шаҳар ҳокими оёғини суфлёр будкаси устига қўйиб, бевосита томошабинларга — “Нега куласизлар? Ахир ўз устингиздан қуляпсизлар-ку”, — деб мурожаат этган ва яна орқасига, саҳнага қайтган. Томоша залидаги чироқ ўчиб саҳнадаги хатти-ҳаракатлар яна давом этаверган. Мана шундай публицистик ва катта фалсафий мазмунга эга бўлган мизансценалар, ижодкор режиссёрнинг ғоявий-бадиий режасини амалга оширишда асосий ифода воситасига айланади.

Улуғ режиссёр Немирович-Данченко актёрлардан образнинг аниқ психофизик харакатини талаб қилас, персанож ҳаётининг у ёки бу дақиқаларини ифодаловчи гавда мизансценалари ҳақида гапириб ўтган. У ҳар доим образнинг руҳий ҳолатини ифодаловчи ва актёрнинг саҳнада тўғри яшашини таъминловчи — гавда мизансценалари устида изланишлар олиб борган. У саҳнада актёр ўзи хоҳлаган эфектли мизансценани ички асоссиз, мақсадсиз ифодаласа, бу ҳаракат спектакл бадиий қимматини тушириб юбориши мумкин дейди. Шунинг учун режиссёр томонидан таклиф этилган у ёки бу гавда мизансенаси, ёки гурухли, ҳатто оммавий мизансценалар репетиция давомида актёрларнинг руҳий ҳолатидан, воқеа муҳитидан келиб чиқсан бўлишига ҳамда асосланганлигига қараб саҳнага олиб чиқлади.

Ижодкор актёр, режиссёр томонидан айтилган ёки олдинги репетицияда ўзи томонидан топилган мизансценалардан воз кечиб, янгисини излаб топиши мумкин. Чунки актёрнииг гавда мизансенаси — саҳна атмосферасига, жиҳозлар жойлашувига, партнёрга, воқеаларга узвий боғлик. Демак, актёрнинг гавда мизансенаси образнинг психологик ҳолатидан келиб чиқсан ҳолда саҳна атмосферасига боғланиши зарур. Масалан, агар актёр бирор корхона директори образини яратаетган бўлиб, саҳнадаги ўз директорлик хонасига кириб, уни кутиб ўтирган корхона хизматчилари билан бирор муаммони ҳал этиши учун мажлис ўтказиши, ёки мажлис тамом бўлгач, бир ўзи қолганда хонадаги буюмлар билан бўладиган муносабатлари, иккала ҳолатдаги мизансценалар бир-биридан тубдан фарқ қиласди. Хуллас, гавда мизансенаси юқорида айтилган саҳнадаги персонаж

фикаринииг ҳаракатдаги ифодаси, режиссёр режаси ва актёрнинг юрак ҳислари ҳосиласидир.

Темпо-ритм. Темпо — италянчада “тезлик”, эҳтирос даражаси деган маънони англатади ва саҳнада маълум бир вақтда бажариладиган вазифалар “истмаси” миқдорини белгилайди. Ритм — грекча сўз бўлиб “бир текис”, “бир ўлчовда” маъносини англатади. Темпо-ритм — бу спектаклнинг маълум бир вақтда, маълум бир тезликда ўтишидир. Бу атама режиссурага музикадан кириб келган бўлиб, театр санъатида бир томоша вақтда актёрлар бажарадиган вазифалар меъёридир. Агарда берилган вақт ичида бажарадиган вазифалар сони ортса ва кураш кескинлашса, бу темпнинг баландлигидан далолат беради. Аксинча, вазифалар сони камайса, бу темпнинг секинлигидир.

Спектаклдаги персонажларнинг ҳар бири ўз ритмига эга. Шунинг учун актёрлар спектаклнинг умумий темпо-ритмига бўйсуниши керак. Темпо-ритм режиссёр томомнидан қатъий белгиланган бўлиши лозим.

Тўғри англанган темпо-ритм режиссёрнинг олий мақсадини рўёбга чиқаришга ёрдам беради ва спектаклнинг таъсир кучини ошириб, томошабин билан жонли мулоқот ўрнатиш жараёнида муҳим аҳамият касб этади.

Саҳнавий ҳақиқат — юқоридаги унсурларга амал қилинган муҳитда, актёрнинг ижодкорлик туйғуси тўғри ишлаган дамларда пайдо бўлади. Актёр билан ишлаш жараёнида режиссёрнинг энг муҳим вазифаларидан бири саҳнавий ҳақиқатга эришиш ҳисобланади. Станиславский системасининг асосий талабларидан бири саҳнада актёр ролига монанд муҳит яратиш ҳисобланади. Саҳнада ижодий муҳит яратмай туриб спектакл муваффақияти ҳақида гап ҳам бўлиши мумкин эмас.

Профессионал театрнинг асосий талабларидан бири — актёрларни саҳнада жонли мулоқотда бўлишидир. Режиссёр учун эса ролни маънавий ҳалокатдан, актёрликнинг миси чиққан қиликлари ҳукмидан, ташқи кўрсатиб бериш одатидан сақлаб қолиш, персонажларнинг рухий ва жисмоний туйғуларни тўғри талқин қилиши заруратга айланади. Актёр спектакл олдидан жисмоний тайёргарлик билан бирга маънавий, психологик-“созланиш” қўникмасини шакллантирсагина саҳнада мўъжиза яратиши мумкин. Актёрга мансуб бўлган бундай “созланиш” ижодий кайфият деб аталади. Бу ўз навбатида саҳнавий ҳақиқат яратишга асос бўлади.

Саҳнавий кайфият актёрнинг маънавий ва жисмоний табиатини бир нуқтага тўпланишидан иборат эканига тушундим, яъни ҳис этдим, деб ёзади Станиславский, — у фақат кўришни, эшитишнигина эмас, балки кишидаги беш сезгининг қувватини мақсадга мувофиқ жамлайди. Жамлланган дикқат — фикрни ҳам, ақлни ҳам, иродани ҳам, туйғуни ҳам, хотирани ҳам, тасаввурни ҳам мақсадга жалб этади.

Актёрнинг маънавий ва жисмоний табиати тасвир эталаётган шахснинг калбида содир бўлаётган ҳисларни англашга интилиши керак. Менинг билишимча, артистнинг юраги ва тасаввурида сеҳрли “агарда” пайдо бўлгандагина бадиий ижод бошланади. Яъни артист реал ҳақиқатдан кўра, тасаввурда фараз қилинган, самимият ва иштиёқ билан бадиий тўқимага ишонган дақиқалар вужудга келиши билан ижод бошланади. Бу худди боланинг қўғирчоги тириклигига ишонган тасаввурига ўхшайди. Сеҳрли “агарда” ёрдамга келиши билан артистнинг ишончи ҳақиқий реал ҳаётдан тасаввuri яратган бадиий ҳаёт тарзига кўчади.

Тўқима, яъни бадиий ифодаланган ҳаётга ишонган артист ўтакетган ёлғонни ҳам театрдаги шартли ҳақиқатга айлантира олиши керак. Бунинг учун артистларга бадиий тасаввур, болаларча соддалик, ишонувчанлик ва зийраклик лозим. Унинг бу хусусиятлари саҳнавий шартлиликни, тасаввур этилган бадиий муносабатни саҳнавий ҳақиқатга айланишига ёрдам беради. Демак, режиссёрнинг биринчи вазифаси артистда ижодий ташаббусни уйғота билишдир. Бундай йўналишга ҳар бир ролнинг ғоявий интилиши муҳтож бўлади. Актёр кўрсатилган йўналишдаги ижод жараёнида эркин бўлиши ва ҳеч қандай ҳукмронликни сезмаслиги лозим. Режиссёр ҳам ҳеч қачон актёрга зулум ўтказмаслиги, аксинча ундаги фидоийликни қўллаб қувватлаши зарур. Чунки, ижодий эркинлик саҳнавий кайфиятнинг туғилиши учун асосий шарт-шароит ҳисобланади. Актёрнинг тўғри созланган ижодий кайфияти, саҳнадаги ҳаракатида, беихтиёрий туйғусида, саҳнавий ҳақиқат яратишида жуда зарурдир. Лекин бундай эркин актёр ҳам тўғри тушуниши керак. Чунки, актёр томонидан бажарилган ҳар бир ҳаракат эркин руҳиятнинг ижод маҳсулидир. Демак, актёрнинг саҳнадаги ҳар бир мақсадли ҳаракати бир вақтнинг ўзида ҳам эркин, ҳам тўғри бўлиши талаб қилинади.

Хулоса қилиб айтиш мумкинки, агар режиссёр талқин маҳорати ва техник воситалардан тўғри ҳамда унумли фойдаланса, актёрнинг ижодий кайфияти — саҳнада яратилаётган ҳаётни худди биринчи мартадагидек қабул қилиб, баҳолаб, эркин ва тўғри хатти-ҳаракатлар билан мўъжизалар яратишга қодир.

### **Мавзуни мустаҳкамлаш учун саволлар**

1. Режиссуранинг жиҳозлаш элементларини изоҳланг.
2. Режиссуранинг таҳлил маҳорати унсурларини биласизми?
3. Композиция тушунчасининг аҳамиятини изоҳланг.
4. Саҳнавий муҳит қандай яратилади?
5. Мизансцена туғиладими ёки яратиладими?
6. Нима сабабдан темпо-ритм томошанинг меъёри ҳисобланади?
7. Саҳнавий ҳақиқат қандай яратилади?
8. Ижодий кайфият нега саҳнавий муҳит яратишнинг таянч воситаси ҳисобланади?

9. “Гавда мизансценаси — муҳитнинг гавдадаги юки”, деган тушунчани театр санъатига ким олиб кирган?
10. Режиссуранинг асосий элементлари уйғунлашмаса нима содир бўлади?

### **Адабиётлар рўйхати**

1. И.А.Каримов. Юксак маънавият – енгилмас куч. - Т.: «Маънавият». 2008.- 176 б.
2. Усмонов Р. Режиссура.-Т.. Фан, 1997 й.- 130 б.
3. Исроилов Т. Режиссура. –Т.Янги аср авлоди.-Т., 2015.- 210 б.

## **2-Мавзу: Саҳнавий асарнинг ҳатти-ҳаракатли таҳлили Режа**

1. Ҳатти-ҳаракат ва унинг таҳлили талқинлари.
2. Саҳнавий ҳатти-ҳаракат.
3. Пъесанинг етакчи узлуксиз ҳатти-ҳаракати

Ҳатти - ҳаракат таҳлили услуби - бир турдаги санъат тимсолларини мутлок фарқ қиласиган бошқа санъат тури тимсолларига ўтқазишида. Яъни, адабиёт, драматургияда яратилган тимсолларни саҳнавий ижод жараёнига ўтказабилишлик. Ҳатти - ҳаракат таҳлили услубининг адабий таҳлилдан фарқи шундадир.

**Калит сўзлар:** Система — бирон соҳанинг атамаларини мантиқан ва изчил тизимга келтириш ва тартибга солиш тушунчасидир.

**Темпо-ритм** — муҳит ва воқеанинг руҳий иситмаси, эҳтирос даражаси. Темпо — италянчада “тезлик”, эҳтирос даражаси деган маънони англатади ва саҳнада маълум бир вақтда бажариладиган вазифалар “иситмаси” миқдорини белгилайди.

**Ритм** — грекча сўз бўлиб “бир текис”, “бир ўлчовда” маъносини англатади.

**Трагедия** — драматик асар турларидан бири бўлиб, унда иложсиз вазият, ҳалок этувчи оғир ва тенг бўлмаган кураш негизида бош қаҳрамоннинг характеристи ҳамда ҳалокати сабаби очиб берилади. Трагедия драманинг — дардли кураш ифодаланган ҳаракатнинг энг қадимги туридир.

Режиссёр ўз талқинини аниқлаш учун таҳлилини асарнинг жанрини ўрганишдан бошласа мақсадга мувофиқ бўлади. Муаллифнинг ҳаётий ҳақиқатга муносабати аниқ бўлгач, уни ифодалашга мос актёрлар танлашга киришади ва ўзига хос ҳис билан бадиий шаклга солишга ҳаракат қиласи. Ёзувчининг тасвирланаётган ҳаётий ҳақиқатга бадиий муносабати пьеса жанрини белгилайди. Баъзан драматурглар таъсирланган воқеаларига ўз муносабатини белгилай олмай қолади ва борини ёзиб қўяқолади. Жанрни тўғри аниқлаш бўлғуси спектаклнинг мазмуни, гоясини ва муаллифнинг ўзига хос услубини англаш учун воситадир.

Жанр французча сўз бўлиб — “тур”, “хил” маъносини Англияб, асарнинг ёки томошанинг трагедия, драма, комедия каби турларга бўлиншидири.

Аристотел “Поэтика” асарини ёзган пайтда “жанр” деган атама ишлатилмаган эди. Трагедиянинг барча томоша санъати турларидан устун эканлигини асослаш учун, уни комедия, драма, мим, понтамим, рақс, қўшиқ ва қўғирчоқ ўйини каби йўналишлар билан қиёслайди. Натижада, барчаси содир бўлган воқеага билдирилган муносабат туфайли, улар ўзига хос турларга мос ифода воситаларига эга эканлигини аниқлайди. Трагедия, драма ва комедияга ажраган йирик турларга қуйидагича нуқтаи назар умумий муносабат эканлигини ilk бор асослайди. Трагедия қаҳрамони мендан ҳар томонлама юксак, ижтимоий келиб чиқишида, мақсадида ва ҳаракатида. Драманинг қаҳрамони мен каби — унинг

фикрлари билан баҳслашиш мумкин. Комедиянинг барча персонажлари менга нисбатан тубан, шунинг учун улар ҳаракати устидан кула оламан.

Трагедия — драматик асар турларидан бири бўлиб, унда иложсиз вазият, ҳалок этувчи оғир ва teng бўлмаган кураш негизида бош қаҳрамоннинг характери ҳамда ҳалокати сабаби очиб берилади. Трагедия драманинг — дардли кураш ифодаланган ҳаракатнинг энг қадимги туридир. У қадимги Гречияда вужудга келган ва “Эчки йифиси” номи билан худо Дионис шарафига ўтказилган байрамдаги ҳалқ томошасидан олинган. Дионис шарафига қурбонлик учун эчки олиб келишар экан. Бу маросим рақс тушиш, Диониснинг изтироблари ҳақида хорнинг ривоят айтиши ва қурбонликка аталган эчкининг туйғулари ҳақида хорнинг қайғули қўшиқ айтиши билан якунланган.

Кейинчалик трагедия аввалги хусусиятини ўзгартириб, инсонлар изтироби ҳақидаги маҳсус театр томошасига айланган. Грек драматурглари Эсхил, Софокл, Еврипид трагедиялари инсон изтиробларини бадиий тасвиirlай олгани учун машҳурдир. Антик театр кишининг изтироблари тасвири билан томошабинлар қалбига даҳшат солар ва гўё кишининг тақдири ҳамда қилмишини бошқариб турувчи файритабиий кучга қарши курашиш бефойда деган тушунчани уқтиради. XVI асрнинг иккинчи ярмида ва XVII аср бошларида яшаб ижод этган буюк инглиз драматурги В.Шекспир трагедияларининг бош қаҳрамонлари жамиятдаги мавжуд кучли қарама-қаршиликларни ёрқин бадиий шаклда очиб ташлаган. Шунинг учун ҳам унинг трагедиялари бутун дунёда шухрат топди.

А.С.Пушкин ҳам трагедия жанридан фойдаланиб ўзининг ўлмас кичик трагедиялари — “Тош меҳмон”, “Моцарт ва Сальери”, “Қизғанчик рицарь” ва “Борис Годунов” трагедиясини яратди.

Кейинги давр драматургиясида трагедия ўз моҳияти билан ўтмишдагилардан тамомила бошқача бўлиб, унда ҳаёт ҳақиқати ва оптимистик мазмун ўз ифодасини ёрқинроқ топади. Бундай трагедиядаги бош қаҳрамон ҳалқ иши учун курашувчи, лозим бўлса, бунинг учун онгли равишда ўзини ҳалок қилувчи қаҳрамондир. Шундай қилиб, трагедия қаҳрамонининг ҳалокати, унинг маънавий тантанасига, ғалабасига айланади. Ўзбек драматургиясида ҳам трагедия жанрида ижод намуналари бор — Фитратнинг “Абул Файзхон”, Ҳамзанинг “Ишқ қурбонлари”, Туроб Тўланинг “Нодирабегим”, Мақсуд Шайхзоданинг “Мирзо Улуғбек” номли тарихий-фожиавий пьесалари бунинг ёрқин ифодасидир.

Комедия юончада “қувноқ томоша”, кулгули қўшиқ маъносини англалади. Унда ҳаётдаги кулгили ҳодисалар тасвир этилади, ижтимоий ва оиласвий можаролар, кишилар характеридаги баъзи бир қусурли хусусиятлар очиб

ташланади. Комедия драматик асарнинг бир тури сифатида қувноқ халқ томошалари заминида вужудга келган. Қадимги греклар шароб, ҳосилдорлик ва шодлик мъбуди Дионис шарафига атаб, карнаваллар уюштирган. Унда қўшиқ айтганлар, рақсга тушганлар, мим ва pointamimларда эскирган формалар устидан янги ғоя ғалабасини кулгули акс эттирганлар. Конуний тараққиёт қархисида умри тугаган тўсиқларни комедияларда намоён қилишган. Чунончи Ҳамзанинг “Майсарапининг иши” комедиясида ўзини пок, бегуноҳ қилиб қўрсатган қози, муфти ва зодагонларнинг ахлоқ ва одоби сатира орқали қўрсатилиб, уларнинг майший бузук ниятлари замиридаги зиддият очиб ташланади. Зотан, комедиянинг моҳияти, В.Г.Белинский айтганидек ҳаёт ҳодисалари билан ҳаёт моҳияти ва унинг аҳамияти ўртасидаги қарама-қаршиликлардан иборатdir.

XX аср драматургияси комедиянинг янги турини вужудга келтирди. Миллий комедияларда кишилар ўртасида ва турмушида сақланиб қолган эскилил сарқитлари кулги билан фош этилади. Масалан, Абдулла Қаҳҳорнинг “Шохи сўзана” комедиясида ёшларнинг шиддатли характери, янги ерлар очиш ва пахтадан мўл ҳосил олиш учун олиб борган курашидаги камчилик ва иллатлар ёритилади. Комедия ўз навбатида тасвирланаётган ҳаётий ҳақиқатга муаллифнинг муносабати ва унинг ғоявий йўналиш турларига қараб сатира, гротеск, буффонадага ажралади.

Юмор — лотинчада “намлик” маъносини англатади. Юмористик асарда турмушдаги ва айrim кишилардаги баъзи бир камчиликлар енгил танқид остига олинади. Бу асарда муаллиф танқид қилинаётган объектнинг йўқ бўлиб кетишини истамайди. Енгил кулгу — юмор орқали, унга ҳатто ачинади ва ундаги камчиликларнинг тузалишини истайди. Шуниси билан юмор сатирадан фарқ қиласди. Юксак савиядаги юмор баъзан аччиқ кинояга, Н.В.Гогол сўзи билан айтганда, “кўз ёши аралаш кулги”га айланиб кетади. Унинг “Ревизор” асаридаги персонажлар, сатирик тарзда, нафрат ва ғазаб билан тасвирланган. Шаҳар ҳокими — Сквозник-Дмухановский образи, унинг амалдорларида шуҳратпарастлик, пораҳўрлик, худбинлик қайгули сатирик юмор билан тасвирланган. Саид Аҳмаднинг “Келинлар қўзголони” комедияси ҳам юмористик драматургиянинг ёрқин намунаси бўла олади. Юқорида келтирилган драматургия турлари баъзи элементларини ўзида уйғунлаштирган ва уларнинг оралифида турган жанр — драмадир.

Драма — юончада “ҳаракат қилмоқ” маъносини англатади. Драматик асарларда мураккаб ва жиддий конфликтлар асар иштирокчиларининг қизғин кураши жараёнида тасвирланади. Унда персонажлар ижобий ва салбий сифатларга ажралади. Бош қаҳрамон илгари сураётган ғоя халқ орасида афоризм даражасига кўтарилилган фикрларда изоҳланган. Масалан, Ҳамзанинг “Бой ила ҳизматчи”, ёки

Горкийнинг “Тубанликда” драмаларида ижобий ва салбий қаҳрамонларнинг шиддатли кураши ёрқин акс эттирилган. Трагедия ва комедиялардагидек драма жанри ҳам ўз навбатида ифода этилаётган ҳаётий ҳақиқатнинг мазмунига, маъносига, муаллиф мақсадига қараб бир неча турга бўлинади. Улар — сиёсий-ижтимоий, лирик, майший, тарихий, психологик, хужжатли драмалардир.

Лекин режиссёр ор талқинида пьесаларнинг бундай уч асосий жанрга бўлинишига баъзан ўзгартириш киритади, бунга “Гамлет”ни комедия, “Чайка”ни драма жанрида саҳналаштириши мисол бўла олади. Масалан, А.Н.Островский ўзининг кўпгина пьесаларини “комедия” деб номлайди. Унинг пьесаларига соғдиллик ва соддалик ярашади, аммо “Қутурган пуллар” асарини “психологик драма” жанрида талқин қилиш мумкин.

Хозирги замон режиссёrlари ҳаётнинг айнан ўзини ифодалаш жараёнида юқоридаги классик уч жанр бўлинишига бўйсунмайдилар. Чунки, уларнинг спектаклларида уччала жанрнинг элементлари иштирок этади. Бироқ бу деган сўз, томоша жанрсиз, бадий бўёқсиз бўлиши мумкин дегани эмас. Бундай ҳолларда спектаклда қайси жанр бўёқлари асосий ўринни эгаллаши ва томоша ғоясини очишда фаол қатнашса, шу жанрга оид бадий шакл яратилади.

Спектаклнинг қиммати фақат унинг ғояси ва мавзуси долзарблиги билан эмас, балки унинг қаҳрамонларини илгор ва типик характерларда, замон билан ҳамнафасликда намоён бўлиши ва ривожланишини кўрсата олиши билан белгиланади.

Режиссёр пьесани таҳлил қиласи экан, муаллифнинг услубини, асар жанрини, композицион тузилишини, унда хатти-ҳаракат бажараётган қаҳрамонлар тақдирини, уларнинг тилини ва характерини пухта ўрганиши зарур. Пьесанинг бадий хусусиятларини ўрганиб, драматург ниятини томошабинга маъноли ва бадий ифодали тарзда етказиш режиссёrlинг асосий мақсади бўлиши лозим.

Асарнинг бадий хусусиятини, жанрини аниқлагач, албатта, муаллифнинг услубини ҳам ўрганиш лозим. Муаллифнинг услубини аниқлаш — персонажлар характерлари ўзига хослигини ва фақат асарга хос бўёқларни аниқлашдир. Услуб кенг маънода ёзувчи ижодидаги ғоявий бадий хусусиятлар бирлиги, тор маънода ифода усулининг бадий баёнидир. Кенг маънода услуб тушунчаси — муаллифнинг дунёқараси, асарнинг асосий маъносини ташкил этувчи воқеалар оқимининг, сюжет ва характерлар бадий тасвирини тил ва бошқа омилларни камраб олади. Масалан, Абдулла Қаххор услуби ҳакида гапирганда, муаллиф асарларининг ўткир ғоявийлик билан сугорилганлиги, замон воқеаларига нисбатан ҳозиржавоблиги, драматургияга дадиллик билан янги мавзу ва образлар олиб

кирганлиги, тилининг бойлиги ҳамда сўзни заргарона қўллаши назарда тутилади. Бу хусусиятлар ижодкорнинг ўзига хос услубини кўрсатади.

Драматург услубининг ўзига хос хусусиятлари ҳам ғояни англаш ва ифодалаш даражаси, ҳаётий воқеаларни тасвирлаш методи, даврнинг шартшароитларини баҳолаш маҳорати билан белгиланади.

Демак, драматургнинг ўзига хос хусусиятлари — ҳаётга муносабати, воқеани ғоявий-бадиий ифодалаш маҳорати — услугуб деб юритилади. Иждодкор услуби ҳар доим замоннинг ғоявий-бадиий таъсири остида вужудга келади ва шаклланади. Муаллифнинг дунёқараши, ижтимоий позицияси, ғоявий қизиқишлари, бадиий ифодалаш маҳорати ҳаммаси унинг услубини белгилайди. Булар спектаклнинг мазмунини ва ўзига хос ифодаланган ғоя шаклини бадиий ифодалашта ёрдам беради.

Жумладан, К.Яшин, А.Қаххор, И.Султон, Ш.Бошбеков, С.Аҳмад, Э.Хушвақтов каби драматурглар ўз бадиий услуби — “дастхати” билан яққол ажралиб туради. Ҳаётий материални танлаш, сюжет тузиш, композиция, жанр, тил ва образларни ўзига хос талқин этиш ҳар бир драматургнинг бадиий услубини белгилайди. Шунинг учун режиссёр муаллиф услубини, унинг ўзига хос характерли хусусиятларини таҳлилий аниқлай олади, олинган пьесани ипидан игнасигача ўзлаштиришни заруратга айлантиради ва бу спектакл режасини тузишга асос бўлади.

Режиссёрнинг спектакл устида ишлаш жараёни кўп поғонали, бадиий мураккаб ижодий босқич бўлиб, “қайта жонлантириш”, қофоздаги фикрларни тирик инсонлар ва бадиий тасвирий воситалар тилига кўчириш маҳоратидир. Мукаммал пьеса бўлғуси спектаклнинг асоси бўлиб, унинг ғоявий-бадиий қиммати режиссурунинг ва бадиий жамоа меҳнатининг муваффақияти гаровидир. Шунинг учун режиссёр энг аввал саҳналаштириш учун пьеса танлашда адашмаслиги, ўзи раҳбар бўлган бадиий жамоанинг ижодий кучини, асарнинг бадиий имкониятларини ҳисобга олиши керак. Иккинчи томондан эса, танланган мавзу долзарблигини, ғоявий ўткирлигини, композицион мустаҳкамлигини, тилининг ифодавий ва равонлигини, жанрининг аниқлигини, муаллиф услубининг ёрқинлигини яхши ўзлаштириши талаб қилинади.

Режиссура санъатида пьесани ўзига мослаб ёки бутунлай тескари талқин этилиш ҳоллари ҳам мавжуд. Шунинг учун режиссёрнинг талқин қудрати уч босқичли — жамоани муаллиф ғоясига қўтариш, ижодкорларни асар ғояси даражасига олиб чиқиш ёки барчани “ўзи” даражасига олиб тушиш жараёнидан иборат. Учинчиси ижодий жамоа учун фожеадир.

Режиссурасанъати спектаклнинг умумий элементларини бирлаштириш маҳоратидир. Намунали драматургия ўз персонажлари орқали умумийликни очади, индивидуаллик орқали типикликни кўрсатади ва инсон шахсини ҳар қандай маънавий, жисмоний ва руҳий қулликдан озод қилишни орзу қилади. Шунингдек, мукаммал режиссёр ҳам ҳар бир спектаклида “инсон” сўзи мағрур жаранглашини истайди.

Маълумки, ҳар қандай билиш уч босқичли жараёндир. У жонли кузатишлардан пайдо бўлган аниқ масалани “сезиб”, қабул қилишдан бошланади. Кейин эътиборга олинган масалани “тушуниш”, сўнгра уни умумлаштириш жараёнига ўтилади. Спектакл саҳналаштирмоқчи бўлган режиссёрнинг биринчн вазифаси аниқ масала юзасидан пайдо бўлган таассуротларини “йиғишидир”. Бошқача айтганда, “Отелло”ни саҳналаштираётган режиссёр — рашк туйғусини, ҳозирги замон кишиларидаги соф туйғуларни булғашга ўчликни, севгисини йўқотиб қўйишдан қўрқиши каби хислатларни кузатиши зарур. Шунингдек, тарихий ҳужжатлар, эсдаликлар, ўша даврга тааллуқли публицистик ва бадиий адабиётлар, тасвирий санъат, мусиқа, фотография материаллари, иллюстратив, иконографик ҳайкаллар, хуллас, пьесада тасвирланган шарт-шароит муҳрланган асосларни ўрганиши зарур. Ифодаланган даврдаги кишиларнинг хулқ-атворларини, қонун-қоидаларни, дидларини, характер ва одатларини, дунёқараш ва маданиятларини, улар нимани истеъмол қилишган ва қандай кийинишган, уларнинг юриштуришлари қандай, яшаш учун жой қуриш ва жиҳозлари ҳамда бошқа зарурат учун керак бўладиган нарсаларни ҳам ўрганилиши талаб қилинади.

Вахтангов айтганидек — актёр образ ҳаётига тегишли нарсаларни худди онасини билгандек, яхши билиши керак. Режиссёр ҳам саҳнада гавдалантиromoқчи бўлган томошани аниқ, равshan тасаввур қилиши зарур.

Хулоса шуки, режиссёр учун драматург томонидан берилган муҳим воқеанинг асосий моҳиятидан келиб чиқадиган спектаклнинг ғоясини тўғри аниклаш бош масаладир. Ғоянинг аниқланиши билан муҳим бир иш жараёни ниҳоясига етади. Энди режиссёр пьеса муаллифи билан бир ҳуқуққа эга бўлган ҳамкорлик даражасида, умумий мақсад ва вазифа учун биргаликда курашмоғи, аниқроғи ёзма асарни жонлантириш каби муҳим ижодий ишга киришмоғи мумкин.

Мавзу, ғоя, жанр, услуб, композиция, конфликт аниқлангач, томошанинг қалби бўлган фабулани, асар ғоясини очиш учун муаллиф териб олган ва онгли равишда қуриб чиқкан воқеалар оқимини ўрганиш ва ўзлаштирилиши заруратга айланади.

## **Мавзуни мустаҳкамлаш учун саволлар**

1. Спектаклнинг жанри қандай аниқланади?
2. Режиссёр учун муаллиф услубини аниқлаш қандай аҳамиятга эга?
3. Трагедия жанрини ўзига хос хусусиятларни изоҳланг.
4. Комедия жанри қандай ўзига хос хусусиятларга эга?
5. Драма нега афоризм даражасидаги фикрлар мажмуаси дейилади?
6. Жанр тушунчасини қандай изоҳлайсиз?
7. Режиссёр ўз спектаклида жанр хусусиятларини ўзгартира оладими?
8. Мавзунинг долзарбилиги қандай аниқланади?
9. Ғоянинг замонавийлиги нималарда акс этади?
10. Спектаклнинг асосини нега режиссёрлик талқини ҳал қиласди?

## **Адабиётлар рўйхати**

1. Умаров М. Маннон Уйғур эстетикаси. «Гулистон», 1997, № 3.
2. Умаров М. Режиссеёр қалби. «Ўзбекистон. Контакт». 1997, № 4.
3. Тўплам. Асрға тенгдош театр. — Т.: Dilshod Print, 2014.

### **3-Мавзу: Асар мавзуси ва унинг долзарблиги Режа**

1. Мавзунинг бугунги кундаги аҳамияти.
2. Асарда илгари сурилган ижтимоий-сиёсий фикр, мазмун ва ғоя.

Тингловчилар томонидан назарий билимларни ўзлаштириш, ҳамда амалий кўникмаларга эга бўлиш жараёнида “Зиг - заг”, “Кластер”, “Ақлий хужум”, “Кейс-стади” каби илгор педагогик технологияларни қўллаш тавсия этилади.

**Калит сўзлар:** **Образлилик** — воқеликни образлар орқали тасвирлаш, бадий яхлитликда ифодалаш.

**Режиссёр** — ижтимоий шароитни, ундан вужудга келган субъектив омилларни чукур ўрганиш асосидагина халқнинг, жамиятнинг манфаат ва мақсадларини муайян бадий шаклга солиб, яхлит бир дастур ҳолига келтирадиган шахс, раҳбар, етакчидир.

**Режиссура** — спектакл яратиш санъати.

**Ролнинг партетураси** — нозик кечинмаларни ва кучли эҳтиросларни келтириб чиқарадиган, жисмоний хатти-ҳаракатларнинг мантиқли ва изчил тизимини ифодалайдиган, бошланишдан то ечимгача бажариладиган ҳаракатларнинг ёзма ифодаси.

**Рол устида ишлаш** — драматург фикр-гоясини, асар руҳиятини, персонажлар характеристини, режиссёр режаси моҳиятини чукур англашга ва стол атрофидаги репетицияларда берилган шарт-шароитни ҳис қилиш ҳамда ўзлаштириш орқали саҳнада ролнинг образини яратишга интилиш жараёни.

“Режиссура — бу спектакл яратиш санъатидир.”, — дейди Станиславский. Ҳар қандай санъатнинг вазифаси эса бадий образ яратишдир. Театр саҳнасидаги бадийлик драматик асар асосида келиб чиқади. Режиссёрнинг пьеса устида ишлаши, уни бадий баркамол саҳна асари даражасига етказа олиш қобилияти театр санъатида асосий омил ҳисобланади.

Спектакл яратиш жараёни — турли касб ва санъат вакиллари бўлган катта жамоанинг ҳамкорликдаги ижоди натижаси билан боғлиқ. Шунинг учун театр жамоасининг сиёсий ва бадий киёфасини улар ҳамкорликда яратган репертуар белгилайди, деган ҳикмат бежиз эмас.

Театрларнинг репертуарларида мумтоз асарлар даставвал ижодий жамоани бадий тарбиялашга хизмат қиласи. Бунинг учун жамоа ўз репертуарлари асосига ҳар йили битта мумтоз асарни, профессионал театрларда саҳналаштирилган ва синовлардан ўтган пьесаларни олишлари мақсадга мувофиқ бўлади. Бу жараёнда ижодкорлар жамоаси ва режиссёр ўғирланган шаклга, хунармандликка, тақлидчиликка йўл қўймаслиги керак.

Репертуар танлашда асосан қуидаги принциплар талаб қилинади – бадий сифати юксак, ғоявийлиги намунали, мавзуси долзарб, ҳәстий воқеалар түгри ифодаланган, шунингдек, қарама-қаршиликларнинг кескинлиги, образларнинг типиклиги, характерларнинг пишиқлиги ва замон талабларига жавоб бера оладиган мавзу ва ғоянинг уйғунлиги саҳна асарида ёрқин ифодаланган бўлиши зарур. Ундан ташқари ижобий қаҳрамонларнинг тасвирланиш маҳорати ҳамда салбий персонажларнинг эсда қоладиган тубанлиги ҳисобга олинади.

Қаҳрамонлар характерининг мукаммаллиги, улар фикрларининг тийраклиги, кўтариб чиқилган муаммоларнинг ўз даври талабларига ҳамоҳанглиги спектакл муваффақиятини белгилайди. Буюк театр назариётчилари ва танқидчилари, аввало, драматургиянинг бадий шаклига, саҳнавий имкониятларига, унинг томошабин олдидағи тарбиявий қудратига алоҳида эътибор берганлар.

Саҳна асарининг асосида — ҳәстий ҳақиқат ва унинг бадий ифодаси бўлмас экан, шунингдек, ҳаёт қонунларига, инсон заковатининг интилишларига бўйсунмас экан бундай пьеса ижодий жамоани хафсаласизликка олиб келади. Шунинг учун улуғ драматургларнинг жаҳон саҳнасидан тушмай келаётган асарлари илғор театрлар репетуаридан жой олиб, режиссёрларнинг ҳәстий ҳақиқат принципларига ижодий ва бадий ёндашишига асос бўлиб келмоқда.

Спектакл яратишда режиссёр ижодини тўлқинлантирувчи, саҳнавий режани барпо этувчи, аниқ ва ёрқин саҳналаштириш тизимини вужудга келишига сабабчи — пьесадир. “Режиссёр режасининг асоси пьесадаги мазмун ва ғоядир”, — деб ёзади улкан режиссёр, педагог ва олим А.Д.Попов. Режиссёрнинг олий мақсади эса спектаклнинг барча қисмлари мукаммаллигига эришиш ва мантикий ечимга интилишdir. Гап шундаки, драматик асар тасвирлаши керак бўлган обьект — ҳаётдир, яъни жонли, хатти-харакатли, қарама-қаршиликка эга бўлган инсонлар ва жамият ҳаётидир. Ҳар қандай ҳаётний воқеа ҳам драматик асарга материал бўла олмайди. Лекин шундай ҳаётний воқеалар борки, улар драматик санъатга асос бўлади ва ёрқин шаклда намоён бўлади. В.Г.Белинский айтганидек — “бадий асарнинг асоси — воқеа, драманики эса инсондир. Бадий асарнинг қаҳрамони — ҳодиса, драманики эса — инсон шахсидир”.

Бундан холоса шуки, драматик асарга — ички ҳиссий характер қувватига эга бўлган, хатти-харакатга бой кишилар орасидаги кескин муносабатлар асос бўлиши мумкин.

“Хатти-харакат — инсон характерини энг аниқ ва ёрқин тасвирловчи, унинг ақлий қобилиятини ва мақсадини кўрсата олувчи асосдир. Инсоннинг феъли қандай

эканлигини, унинг юрагини чуқур жойларида нималар борлигини фақат хатти-харакат билан кўрсата олиш мумкин”, — деган эди буюк Гегель.

Лекин хатти-харакат фақат шундагина мақсадга мувофиқ бўла оладики, агар у биронта тўсиқни босиб ўтса, бирор ҳаракатга қарши хатти-харакат қила олса. Шунинг учун драмада ёрқин қарама-қаршиликлар намоён бўлади. Шундай қилиб, қарама-қарши ҳаракатлар драманииг асоси экан, лекин у ҳақиқатнинг чексиз сабаб ва оқибатларини вақт чегараларида ифодалай олмайди. Шунинг учун драмадаги хатти-харакат — беҳисоб алоқаларнинг сабабчиси, унинг ривожланиши ва қарама-қаршиликни ҳал қилишга имкон бериши, асар ғоясини очадиган воқеалар тизимини танлаб олишга ундейди.

Бундан ташқари драма ўзининг хусусиятларидан келиб чиқадиган ғоявий-мазмунийликни, ҳаётий воқейликни, воқеаларнинг мантиқий ривожланишини, композициянинг мукаммаллигини ва бошқа элементларни ўз ичига олади. Драматик асар мавзусининг долзарблиги режиссёрнинг иш бошлашига бошлангач туртки бўлади. Мавзу — тасаввур ва тафаккуримизга аниқлик киритиб, уни чегаралаб, йўналиш бериб турса, унинг долзарблиги бугун томошабинга айтилиши зарур бўлган ғояни очилишига хизмат қиласи.

Долзарб мавзули, юксак ғояли асарда агар ҳарактерлар ҳам типик бўлса, бундай пьеса актёрлар маҳоратини юксалишга хизмат қиласи. ”Ҳарактерларни ва ҳаётни бадиий тасвирловчи драматик асар, ўртача актёрги тушунишга ва ўйнашга ўргатибгина қолмай, ҳаётни ва ҳақиқатни ҳам ўргатади”, — дейди В.Г.Белинский.

Пьесанинг қиммати мавзусининг долзарлиги ва ғоявий таъсирчанлиги билангина ўлчанмай, драматург томонидан ўз қахрамонларининг типик ҳарактерларини очиши ва ҳақиқатни кўрсата олиши билан ҳам белгиланади. Пьеса устида иш олиб борган режиссёр, драматурнинг ижодий услубини, пьесанинг тузилишини, жанрини, хатти-харакатдаги қахрамонларнинг ҳарактери ва тилини чуқур ўрганиши лозим. Пьесанинг моҳиятини ўзлаштириш нуқтаи назаридан ўрганишда, унинг бадиий хусусиятларини томошабинга қандай етказиш воситаларини ҳам аниқлаш керак. Пьесанинг бадиий қимматини эса унинг ички маъноси бўлган мазмуни, яъни ғоявий-тематик негизи белгилайди. Чунки режиссёр ва актёрнинг ижодий илҳомини уйғотувчи ҳамда томошабин калбини титратувчи нарса пьесанинг ғояси ва мазмунидир.

Драматик асарнинг мазмунини белгиловчи ғоявий-тематик негиз — муаллиф томонидан тасвирланган ҳаёт воқеалари, пьесада иштирок этган персонажларнинг хатти-харакатлари, кечинмалари ва ҳарактерида мужассамлашади. Шундай қилиб асарда ривожлантирилган, мавзу сюжетини ташкил этган воқеаларнинг марказида

инсонлар туради ва уларнинг образи маълум турмуш шароитлари фонида тасвирланади. Персонажларнинг тили, ҳаракатларига хос нутқи, асарда ифодаланган муҳит саҳнада ҳаракатланаётган актёрларнинг ўзига хос хусусиятлари асосида ишланади. Актёрлар ҳам худди режиссёр каби драматик асар мазмунини, воқеалар тизимини, персонажлари характерларини, асар композициясини ва персонажлар мақсадини яхши билиши лозим. Шундагина асардаги ҳаётий воқеалар, композиция, сюжет ва персонажлар тили бутун тўлалиги ҳамда ранг-баранглиги билан намоён бўлади. Чунки асарнинг шакли, унинг мазмуни билан чамбарчас боғланган бўлади. Мазмун асар шаклини белгилайди. Асарнинг мазмуни фақат маълум шаклдагина ўз бадий ифодасини топади. Демак, мазмунсиз — шакл, шаклсиз — мазмун бўлмайди.

Муаллиф драматик асар шакли компонентларини қанчалик эркин эгалласа, у турмушни қанчалик мукаммал тасвирласа, ўз асарнинг ғоявий-тсматик асосини чуқур ва аниқ очиб бера олади ҳамда мазмун ва шакл бирлигига эришади. Бу эса бадийликнинг зарур шартидир.

Бадий шакл — драматик асар мазмунини тартибли гавдалантириш усулидир. Шаклнинг асосий элементларига — композиция, сюжет, жанр, образлар киради. Асар шаклнинг тузилиши, қисмларнинг жойланиши, воқеалар ривожининг тартибини англатади. Композиция бадий воситалардан бири бўлиб, у кишилар ва ҳаёт ҳодисаларини муаллифнинг ғоявий ниятига мувофиқ талқин этишга ҳизмат қиласиди. Яъни пьесанинг бадий тузилиши, шакли унинг композицион қурилиши дейилади.

Агар пьеса ўзига хос ва фақат унга таалукли бўлган тузилишга эга бўлса ҳам саҳна талабларига оид бадийлик қонунларига бўйсунади. Қарама-қаршиликларга сабаб бўлган ва хатти-ҳаракат қилишга олиб келган шарт-шароитлар, ўзаро муносабатни вужудга келишига сабабчи бўлган воқеа пьесанинг экспозицияси дейилади. Экспозиция асардаги ўрнига қараб турлича бўлади. Улар тўғри, кечикирилган ёки тескари экспозициялардир.

Тўғри экспозиция — асарда воқеаларнинг бошланишидан олдин келади. Масалан Ойбекнинг “Қутлуғ қон” романни шундай бошланади.

Кечикирилган экспозиция — воқеа тугунидан сўнг қаҳрамонлар ҳақида берилган маълумот бўлиб, Н.В.Гоголнинг “Ўлик жонлар”, “Ревизор” каби асарларида ана шундай ҳол кузатилади. Тескари экспозиция — асарнинг охирида қаҳрамон ҳақида берилган маълумотдир.

Асарнинг асосий қарама-қаршилиги бошланишига асос бўлган воқеага тугун дейилади. Тугун — драматик асарда асосий воқеанинг бошланиши бўлиб, барча

воқеалар мана шу тугундан кейин ривожланади. Масалан, Ҳамзанинг “Бой ила хизматчи” драмасининг тугуни Ғофирнинг Жамилага уйланиши сабабли қарздор бўлиши, Жамилани Солиҳбой яхши кўриб қолишида жойлашган. Тугундан кейин хатти-ҳаракат олдинга қараб силжийди, интилади, тезлашади, ҳар хил бурилишлар, сакрашлар вужудга келади, хатти-ҳаракат қилувчи шахслар ўртасидаги кураш кучайиб ҳал қилувчи тўқнашувга бориб етади. Нихоят, воқеа ва қарама-қаршиликлар кураши авж чўққисига кўтарилади ва бу нуқта пьесанинг кульминацияси дейилади.

Кульминация — лотинча “чўққи” деган сўздан олинган бўлиб, драматик асардаги воқеалар ривожининг авж олган, хатти-ҳаракат ва курашнинг энг кескинлашган нуқтасини англатади. Масалан, В.Шекспирнинг “Отелло” фожиасидаги Отелло томонидан рўмолчанинг талаб килиниш саҳнаси асарнинг кульминациясидир. Кульминация курашнинг натижасини бслгилайди. Бу эса қаҳрамонларнинг тақдири қандай ҳал бўлганлиги, яъни ечимга олиб келади. Ечим — асарда тасвирланган воқеаларнинг кескин ривожланиши натижасида юзага келган қаҳрамонлар ҳолати, улар курашининг хотимаси, воқеа тугунининг ечилишидир. Масалан, Гоголнинг “Ревизор”идаги ҳақиқий ревизорнинг келиши тўғрисидаги саҳнада, Хлестаковнинг ревизор эмаслиги, шаҳар ҳокими ва амалдорларнинг алданганини фош бўлиши асарнинг ечимидир. Шу тариқа ҳокимнинг порахўрлиги, талончилиги очиб ташланади. Пьесанинг композициясини тўғри аниқлаш, режиссёрга пьесанинг асосини, қарама — қаршилигини, темаси ва етакчи хатти-ҳаракатларини аниқлашда катта ёрдам беради. Агар мазмунини гоявийлик четлаб ўтиб, фақат шаклга этътибор берилса, томоша кераксиз бўлиб қолади. Шунинг учун бадиий шакл — асарнинг ташки ифодаси, мазмун ички моҳияти бўлганлиги боис, мазмун ва шакл бир-бирини тўлдириши ҳамда бир-бирига мос бўлиши зарур.

Маълумки, ҳар қандай бадиий асарнинг заминида муалифнинг гоявий режаси ётади. Режиссёр муаллифнинг асосий фикри, яъни нима учун бу асарни ёзилганлигига қараб унинг гоясини аниқлайди.

Пьесанинг персонажларига хатти-ҳаракатдаги шахслар — типлар дейилади. Пьесанинг мавзуини аниқлашда персонажларнинг хатти-ҳаракатидан келиб чиқиши мақсадга мувофиқдир. Ҳар бир пьесада муаллиф — қарама-қарши кучларнинг ўзаро тўқнашувларидаги курашини, бу кураш ҳар хил мақсаддаги одамлар, синфлар, ижтимоий гуруҳларнинг ўз гояларини, ўз нуқтаи-назарларини, дунёқарашларини персонажларнинг мақсадга мувофиқ хатти-ҳаракатлар орқали ифодалайди. Қарама-қаршиликларга асосланган асар қаҳрамонларининг ҳаёти янгиликлар, илфор тушунчаларни ҳимоя этиб, зулмга қарши курашда ўтади.

Хуллас мавзу ёки тема асли, юонча сўз бўлиб, муаллиф танлаган ва тасвирланган ҳаёт воқеалари, асарда қўйилган муҳим масалалар, ёритилган муаммолар мажмуасидан иборат.

Асар темасини унинг ғоясидан, худди шакл ва мазмундагидек бир биридан ажратиб бўлмайди. Чунки муаллиф тасвирлаётган нарса тема бўлса, ғоя унинг шу нарсага муносабати, берган баҳоси, қўйилган муҳим масаланинг ҳал этилиши, ёритилишидир. Шу маънода тема муаллифнинг дарди — асарда қўйган ва маълум ҳаёт материали асосида ёритилган муаммодир. М.Горький таъбири билан айтганда эса “тема — муаллифга турмуш томонидан берилган ғоядир”. Бошқа бир олим таъбири билан айтганда эса, “тема — бу муаллиф томонидаи асар учун танланган асосий ҳаётий ва қўп қиррали мазмуннинг тўлиқ ғоявий-эмоционал бирлиқда тасвирлашни ташкил қилишдир”.

Хуллас темани аниқлаш режиссёр учун асосий муаммо бўлиб, у пьесада воқеалар оқими орқали очилади. Агар пьесада бир нечта темалар бўлса, у вақтда асарнинг асосий қарама-қаршиликка олиб борувчи бош мавзуни ҳам топиш зарур. Бундай ҳолларда, пьесанинг асосий темаси — асарнинг ғоясини ташкил этувчи, ҳақиқий реал ҳаётий қарама-қаршиликларни тўлдирувчи ва ҳал қилувчи муаммодир. Демак, саҳнавий хатти-ҳаракатнинг пайдо бўлишига ва ривожланишига сабабчи бўладиган куч қарама-қаршилик бўлиб, асар мавзусини ёритиб беришга ҳизмат қиласи. Шунинг учун театр санъатида саҳна асарининг ғоявий-бадиий баркамол гавдаланиши учун драматург ғоясини аниқлаб олиш, қарама-қаршиликларни, конфликтни умумлаштириш муҳим аҳамиятга эга.

Конфликт — лотинча “ихтиоф”, “тўқнашиш” тушунчаси бўлиб, бадиий асарда тасвирланган воқеа иштирокчилари ўртасидаги курашни, зиддиятни, келишмовчиликни, ихтиофни англатади. Конфликт ўз моҳиятига қараб турли характерда бўлиши мумкни. Уни аввало гуманистик — инсонпарварлик моҳиятидаги конфликт ва антогонистик — келишиб бўлмайдиган шакдаги конфликтга ажратиш мумкин. Масалан, “Бой ила ҳизматчи” драмасида дастлаб Солиҳбой билан Фоfir ўртасида Жамила учун кураш — оилавий конфликт, ўзбекларнинг бойлар ва амалдорлар ноҳақлигига қарши қаратилган норозилиги кескинлашидан иборат ўткир социал-ижтимоий конфликтга, антогонистик ихтиофга айланади. Саҳнада янгилик билан эскилик ўртасидаги онг ва майший ҳаётдаги ўтмиш сарқитларига қарши кураш томошага айланади. XX асрнинг охирларида айрим ёзувчилар ва танқидчилар орасида тарқалган “конфликтсизлик” назарияси ҳаётни бузиб қўрсатувчи, санъатнинг ривожига зарар келтирувчи сохта назария сифатида каралганди. Қарама-қаршиликларсиз, курашсиз ҳаётни хақконий акс эттирувчи саҳнавий асар бўлиши мумкин эмас. Хусусан конфликтсиз драматик

асар бўлмайди. Чунки, қарама-қаршилик драматик асарнинг негизини ташкил этади.

Пьесанинг кескин қарама-қаршиликларига асосланган асосий темасини аниқлаш персонажларнинг характерини ва режиссёрга асарнинг етакчи хатти-харакатини аниқлашга ёрдам беради.

Етакчи хатти-харакат — бу аниқ, мақсадга мувофиқ интилиш бўлиб, пьесадаги курашларни бошқарувчи тушунчадир. Ана шу мақсадда пьеса персонажларининг хатти-харакати қаёқдан-қаёққа қараб йўналишини топиш учун уларнинг пьесадаги воқеада жойлашиш тартибини аниқлаш зарур. Қанчалик келишмовчилик чукур, кураш кескин бўлса, ривожланиш шунчалик тез ва курашаётган кучлар аниқ кўринади. Демак, конфликт воқеаларга ўсиш ва ривожланиш бағишлийди. Бир хатти-харакатнинг қарама-қарши хатти-харакат билан тўқнашуви пьеса қаҳрамонларининг ўзаро муносабати орқали бир воқеадан иккинчи воқеани келтириб чиқади. Бу кураш бир ва бир неча хатти-харакат қилувчи шахсларнинг аниқ мақсад учун бўлган интилишларини аниқлайди ҳамда персонажларнинг хулқ-атворларини юзага чиқаради. Мана шундан курашнинг “хатти-харакатлар чизиги” — етакчи хатти-харакат келиб чиқади. У бутун пьеса давомида аниқ максад сари мувофиқ бораётган хатти-харакатдаги шахслар курашининг “ха” ёки “йўқ” томонларини аниқлайди. Шунинг учун ғояни кўтариб чиқувчи ва мавзуни тасвирловчи хатти-харакат чизигига пьесанинг етакчи хатти-харакати дейилади.

Асосий хатти-харакат чизигини аниқлаш, ҳар бир воқеани, ҳар бир қаҳрамоннинг хулқ-атворини тушунишга ва очиб ташлашга имкон яратади. Бу йўл режиссёр ва ижрочини тўғри ҳаракатланиб спектаклнинг ғоясини томошабинга етказишида муҳим омил бўлади. Станиславский таъбири билан айтганда “етакчи хатти-харакат” бўлмагандан эди, пьесанинг мақсади ва барча бўлаклари, барча берилган шарт-шароити, муносабат, мослашма, ишонч, ҳақиқат дақиқалари ва бошқа томонлари ҳар томонга тарқаб кетган бўларди. Етакчи хатти-харакат чизиги худди маржон или каби тизилган барча хатти-харакатларни бир жойга йиғиб, умумий ижод мақсадини амалга ошириш учун қаратилади. Ҳар қандай мақсадли, хатти-харакат, агар унга қарши бўлган хатти-харакатга учрамаса, ўз жозибасини, курашчанлигини ва ҳаётийлигини йўқотади. Шунинг учун олий мақсадни амалга оширишида керак бўладиган хатти-харакатлар чизиги ёки етакчи хатти-харакати аниқланар экан, унга қарши узлуксиз курашувчан хатти-харакатни ҳам топиш лозим. Қарама-қарши ҳаракатсиз драматик асар “конфликтсизлик” касалига дучор бўлади. Бу эса театр санъати учун фожиадир.

Демак, олий мақсадни амалга ошириш учун хатти-харакат қилувчи шахсларнинг ҳамда спектаклнинг етакчи хатти-харакатини аниқлаш ўта аҳамиятли, уларга қарши курашга тайёр турган қарама-қарши хатти-харакатлар эса зарур ва улар режиссёр томонидан аниқланиши керак.

Пьеса ғояси муҳим бўлган воқеага нисбатан драматургнинг ечимли муносабати бўлиб, режиссёр бу масала ечимини тушунган ҳолда, аниқ ҳаётий ҳақиқатга таяниб спектакл ғоясини аниқлаб олиши лозим. Илм аҳли таъбири билан айтганда “ғоя — бу драматик асарнинг асоси бўлиб ҳаёт ҳодисаларининг туб негизи очилишидир ва у Чернишевский фикрича — ҳаётий ҳақиқатга чиқарилган ҳукмдир”. Фоя — ҳаёт воқеалари ҳақидаги кишиларнинг тасаввuri ва ўша воқеаларга муносабатини ифодалаган тафаккур натижасидир. Шунинг учун ғоя жамиятдаги синфларнинг манфаати ва қарашлари билан боғланади, уни акс эттиради. Драматик асарнинг ғояси унда тасвиранган муҳим воқеалар оқими тўғрисидаги етакчи фикрдир. Асарнинг ғоясида воқеалар оқими, персонажлар характеристи ва уларнинг хатти-харакатлари мужассамлашади.

Муаллиф кишилар ва уларнинг турмушига қандай муносабатда бўлса, уларни шундай тасвиrlайди, режиссёр ҳам томошибинларда тасвиранган кишилар ва воқеаларга нисбатан ана шундай муносабат туғдиришга интилади. Бундай интилишлар ва тасвиранган кишиларга муносабатда, муаллифга мансуб бўлган жамиятнинг манфаати ва қарашлари ўз ифодасини топади.

Турмушни ҳаётий ва мақсадли акс эттирувчи мукаммал бадиий асар учун ғоянинг ўзи етарли бўлмайди. Асосий ғоя билан у ёки бу даражада боғланган бир қатор фикр ҳам ёрдамчи восита сифатида мавжуд бўлади. Улар ҳам ёрдамчи образлар харакатида ифодаланади ва тасвиранган ҳаётнинг турли томонларига муаллиф ўз муносабатини билдиради. Улар ҳаракати ёрдамида спектаклнинг бадиий-эстетик таъсирчанлиги ошади.

Пьесадаги ҳамма хатти-харакат муайян воқеалар оқими тифайли вужудга келади. Воқеалар оқими персонажларнинг фаол хатти-харакатни қўзғатувчи омилдир. Пьеса катта ҳажмли ва қўп воқеали бўлиши мумкин. Шулардан энг асосийини ўз режасини амалга ошириш учун танлаб олиш режиссёрнинг масъулиятли ижодий ишига киради. Воқеалар ривожи хатти-харакат йўналишини ўзгартириб, қаҳрамонларни янги берилган шарт-шароитларга олиб киради. Шунинг учун асосий диққат асарнинг воқеалар оқимига қаратилиши лозим. Демак воқеа — спектаклдаги хатти-харакатларнинг таянчидир.

“Воқеа ва фактга баҳо бериш усулининг сири шундаки: бу баҳо инсонларни тўқнашувга мажбур қилади; тўқнашув уларни курашга, енгис ёки енгилишига

сабаб бўлиб, бу сабаб уларнинг истакларини, мақсадларини, ўзаро муносабатларини очиб ташлайди; пъесадаги биз қидираётган ички ҳаракат шароитини аниқлайди. Пъеса воқеаларини ва фактларини фарқлаш нима учун заруратга айланади? Бу улардаги ички фикрни, руҳий моҳиятини, уларнинг томошабинга таъсир қилиш кучини топишдир ҳамда ташқи факт ва воқеалар оқимини чукурроқ ўрганишдан иборатдир, — дейди Станиславский. Хуллас, инсонларнинг ўзаро муносабатини аниқлайдиган ички изчилликни топиш, фактларни баҳолаш — ролдаги инсон руҳий кечинмалари сирларини очишига калитдир”. Шунинг учун ҳам режиссёр пъесадаги асосий воқеа ва воқеалар занжирини аниқлаши муҳим аҳамиятга эга.

Пъесадаги биринчи воқеани аниқлаш ҳам ғоят муҳим аҳамиятга эгадир. Биринчи воқеанинг муҳимлиги пъесанинг тугуни билан боғлиқ. Пъеса қаҳрамонлари парда очилишидан аввал бўлғуси драматик конфликтнинг асосини ташкил этувчи қандайдир ҳаёт йўлини босиб ўтган бўлиши мумкин.

Пъесани саҳналаштиришда унинг марказий воқеасини аниқлаш ҳам қимматли аҳамиятга эга, чунки у хатти-ҳаракат ривожланишида бош омилдир. Масалан, А.П.Чеховнинг “Ваня тоға” пъесасида марказий воқеа Войницкийнинг Серебрековга ўқ узганлигидир. Баъзи вақтда пъесадаги асосий воқеа кўзга ташланмайди. Марказий воқеани аниқлаш бўлғуси спектаклнинг ғоявий муваффақиятини таъминлайди. Масалан, В.Шекспирнинг “Ромео ва Жульетта” фожиасидаги марказий воқеани Жульетта ўлмаганлиги, балки Лоренцио дориси билан ухлаётганлиги тўғрисидаги хабарни олиб келаётган чопарнинг кечикиши деб олиш мумкин. Ҳақиқатдан ҳам бу воқеа муҳим. Чунки, агар чопар кечикмаганда фожиа қаҳрамонлари тирик қолишлари мумкин эди. Лекин, чопарнинг кечикиши зарурият ҳисобланади. Ғоявий аҳамият нуқтаи назаридан қаралса, хатти-ҳаракатни уйғотувчи бош воқеа Тибальднинг ўлимидир. Мана шу воқеада фожиа қаҳрамонларининг ўзаро муносабати ва уларнинг қарама-қаршилиги жойлаштирилган. Шу воқеа Ромеонинг қувилишига ва Жульетта билан ажralишига сабабчидир. Шу воқеа қонли курашни ва драматик конфликтни янада кескинлаштиради.

Асардаги марказий воқеани аниқлаш учун асарни ўқиб чиққандан кейин, қандай воқеа бўлмаганда асардаги навбатдаги воқеалар келиб чиқмас эди, деган саволга жавоб бериш керак. Яъни қандай воқеа рўй бермаганида асардаги персонажлар ҳаёти ўша воқеагача бўлгандек давом этаверар эди? Керакли нарса юзага келгандан кейин, илгариғи ҳаёт йўналишини ўзgartириб, у ердаги кишиларнинг кундалик ҳаёт тарзларини бошқа томонга буриб юборади ва улар орасида қарама-қаршиликни вужудга келтиради. Демак, асардаги асосий қарама-

қаршиликни уйготиб уни кураш майдонига олиб чиқувчи воқеага асарнинг асосий воқеаси дейилади. Масалан, Ҳамзанинг “Бой ила хизматчи” асарида Солихбойнинг тўйдан кейин Ғофирнинг хотини Жамиланинг юзини қўриши асарнинг асосий воқеасини ташкил этади ва асардаги қарама-қаршиликни келтириб чиқаради. Шу асардаги бош воқеа ёки биринчи воқеа бу Ғофирнинг Жамилага уйланишидир. Пъесалар бир-биридан воқеасининг кучлилиги билан фарқ қиласади. Воқеа бу драматик асарнинг ғилдираги — юраги ҳисобланади ва унинг кучлилиги ҳар бир ролнинг образини бадиий қимматини белгилайди.

Театр санъати ўзига хос кўп хусусиятларга эга. Ана шулардан бири — пъесадаги персонажлар хатти-харакатини аниқлашдир. Шунинг учун ҳам пъесадаги персонажлар “хатти-харакат қилувчи шахслар” дейилади. Ҳар қандай пъесада қарама-қарши курашаётган персонажларнинг тўқнашуви рўй беради. Бу тўқнашувларда улар ўз нуқтаи назарини, ўз мақсадини ёқлаб, мақсадига мувофиқ йўналтирилган хатти-харакатга интилади.

Пъесадаги қарама-қаршиликларни аниқлашда, асарнинг ташқи тўқнашувларидан келиб чиқмасдан, балки хатти-харакат қилувчи шахсларнинг ички, руҳий тўқнашувларидан келиб чиқиш лозим. Чунки, ўша ички тўқнашувлар пъесанинг асосий хатти-харакатлар тизимини ташкил этади. Хатти-харакат ривожланиб, қаҳрамонлар характерини очади ва бу муаллиф илгари сурган асосий фикрни тасдиқлашга олиб келади. Пъесадаги асосий қарама-қаршиликни аниқроқ топиш учун хатти-харакат қилувчи шахсларнинг нимага интилаётганини, улар ўзаро қандай гурухларга ажralганлигини, улар орасидаги тўқнашув нима сабабдан келиб чиққанини ва бу курашнинг оқибати нима билан тугашини кузатиш лозим.

Шундай қилиб, пъесадаги мавзуу, асосий ғоя ва қарама-қаршилик аниқ топилса курашувчи кучларнинг ўзаро муносабати, улар тўқнашувининг маъносидан келиб чиқиб, барча қаҳрамонлар характерини аниқлашга ҳам ёрдам беради.

Бош воқеани, асосий воқеани, воқеалар тизмасини, етакчи хатти-харакатни ва иккинчи даражали воқеаларни аниқлаш, режиссёрнинг пъеса устидаги мустақил ишининг таркибий бир бўлаги ҳисобланади. Воқеалар оқими ўзининг диалектик ривожланувчи кучи билан пъесанинг сюжет йўналишини синдириши, хатти-харакат қилувчи шахслар тақдирини ўзгартириб юбориши мумкин.

Одатда ҳар бир воқеа бирорта хатти-харакат қилувчи шахснинг хоҳишига тўғри келиб қолиши, бошқасига тўғри келмаслиги мумкин. Биттаси бу воқеадан ўзига яраша хулоса чикариши мумкин, иккинчиси эса аксинча. Мана шу келишмовчиликлардан драматик қарама-қаршилик пайдо бўлади. Ҳар бир воқеа

тўқнашув билан бошланади ва шу тўқнашувнинг ечими билан тамом бўлади. Булар пьесадаги қўринишлар тарзида ўз тизимига эга бўлади. Станиславскийнинг фикрича, пьеса — воқеа ва интилишларнинг кетма-кетлигидан иборат бўлган мантиқий занжирдир. Шунинг учун пьесадаги воқеалар занжирини аниқлаб, сўнгра персонажларнинг етакчи хатти-ҳаракатини аниқлаш зарур. Топилган ва танлаб олинган асарнинг биринчи ва иккинчи даражали воқеалари, уларнинг мантиқий узвийлиги қанчалик тўғри аниқланса, пьесанинг ғояси шунчалик ёрқинроқ қўринади.

Пьесадаги қайси воқеани асосий, қайси бирини иккинчи даражали қилиб олиш бу режиссёр режасига, топилмасига, талқинига боғлиқ. Талқиннинг мантиқийлиги бўлиши учун режиссёр асарнинг персонажлари етакчи хатти-ҳаракатини аниқ билиши лозим. Етакчи хатти-ҳаракат режиссёрга пьесадаги ҳар бир воқеани аникроқ номланишига ёрдам беради ва ғоя тантанасига олиб келадиган хатти-ҳаракатни белгилайди. Шундай қилиб, воқеа ва ҳодисалар тизмаси етакчи хатти-ҳаракатга қўшилган ҳолда пьесанинг бадиий яхлитлигини барпо қиласди. Кўринадики, воқеаларнинг тўғри аниқланиши ва номланишида бўлғуси спектакл ечими — режиссёр талқини ётади. Аниқ топилган ва тўғри номланган воқеалар оқими ҳамма вақт спектаклнинг умумий режасини яратишга асос бўлади. Демак, пьесанинг бош воқеаси етакчи хатти-ҳаракатнинг асосий қўзғатувчисидир. Режиссёр таҳлилда асосий бурилиш дақиқаларини пайдо қилувчи, тасвирланган ҳаёт оқимини ўзгартирувчи, асар қаҳрамонларини янги шарт-шароитларга олиб киравчи перипетияларни аниқ белгилаши ҳам қарз, ҳам фарзdir. Шу билан бирга режиссёр иккинчи даражали воқеаларни ҳам аниқлаб, уларни пьесанинг етакчи ҳаракати ривожидаги моҳиятини англаб олиши зарур.

Танланган пьесани биринчи бор ўқиб чиққанда маълум таассурот пайдо бўлади. Бу таассурот фабула, яъни воқеалар оқими ҳақидаги маълумот бўлиб, асарнинг эсда қоладиган ва томошага айланадиган шаклидир. Лекин драматик материалга чукурроқ кириш ва унинг мазмунини ўрганиш учун уни қайта-қайта ўқиб чиқиши лозим. Пьесани қайта ўқишидан мақсад уни таҳлил килиш ва бўлғуси спектаклни кўз олдига келтиришдир. Пьесада тасвирланган мавзу ва ғояни тушуниш ҳамда билиш учун қуйидаги усулни синаб кўришни Станиславский тавсия қиласди: воқеалар тартибига таяниб, драматик асарнинг мазмунини қайта сўзлаб кўринг; қайта ўқиб чиқинг, навбатдаги ҳикоянгизда рўй берган воқеа моҳиятига, ҳарактерларга чукурроқ кириб боришга ҳаракат қилинг; оғзаки ҳикоя жараёнида воқеалар кетма-кетлигини ва курашлар силсиласи аён бўлиб, уларга асосланиб хатти-ҳаракат қилувчи шахслар мақсадлари ҳам ойдинлашади. Бундан эса пьеса сюжети ва персонажларнинг ўзаро муносабати аниқланади.

Сюжет французча сўз бўлиб “асос” (предмет) деган маънони англатади. Драматик асарнинг бевосита мазмунини ташкил этган, ўзаро боғланган ва ривожланиб борувчи ҳаётий воқеалар баёни, асарда иштирок этувчи кишиларнинг ўзаро муносабати, бир-бирига ўзаро таъсири, персонажлар характерининг юкланишини жамлаган изоҳ — сюжетдир. Сюжетда персонажларнинг ҳаёти учун энг муҳим бўлган тўқнашувлар, қарама-қаршиликлар ва кишиларнинг муносабати акс этади. М.Горький — сюжет алоқалар, қарама-қаршиликлар, антипатиялар, умуман кишиларнинг ўзаро муносабати, у ёки бу ҳаракатнинг ташкил топиши ва ўсиш тарихидир, деб айтган эди. Драматургияда сюжет воқеалар оқимини изоҳлашда ёрдамчи воситага айланади. Драматург томонидан томошабин онгига етказилмоқчи бўлган асосий фикрни аниқлаш учун, биринчи навбатда воқеалар тизимида намоён бўладиган ғояни — асар нима учун ёзилганлигини аниқлаш зарур.

Пьесанинг таҳлили: маълум даврда содир бўлган воқеалар йўналишини ва ривожини аниқлашдан; персонажлар хулқ-авторини, характерини, ўзаро муносабатларини ўрганишдан; ким билан ким курашаяпти, нима учун курашаяпти, деган саволларга жавоб ахтаришдан бошланади. Бу ҳақиқатни ўрганиш йўллари ҳар хил бўлиши мумкин. Давр тўғрисидаги маълумотни ҳар хил ҳужжатлардан, илмий тадқиқот, бадиий асарлардан, рассомлар ижодидан, кинофильмлар ва спектакллар кўриб ўрганиш мумкин.

Классик драматургия устида ишлаш жараёнида муаллиф фикрини тушуниш учун биринчи навбатда у яшаган давр ва унинг биографиясини ўрганиш лозим. Шу билан бир қаторда айнан драматург ёки драматургия соҳасида илмий тадқиқотлар яратган жаҳон файласуфлари ва миллий маданиятимиз ривожига улкан ҳисса қўшган олимлар асарларидан кенг фойдаланиш мақсадга мувофиқдир. Чунки, режиссура шунчаки баён санъати эмас, балки муайян ғоявий теран фикрни олга сура оловчи, томошабинларнинг қалбида ва онгида муайян маънавий ўзгаришлар ясай оловчи фалсафий-бадиий теран тафаккур туридир.

Пьесанинг бадиий хусусиятларини ўрганиш жараёнида, унинг услуб ва жанрини аниқлаш билан бирга, унинг структураси, яъни, композицион тузилишини ҳам ўрганиш зарур. Ҳар бир пьеса драматургия қонунлари бўйича тузилади ва ўзига хос бадиий шаклга эга бўлади.

Режиссёрнинг навбатдаги иши асардаги образларга характеристика беришдир, яъни персонажлар характерини аниқлашдир. “Агар аниқ топилган характерлар бор бўлса, улар тўқнашуви заруриятдир”, деган эди М.Горький. Ҳар бир режиссёр ўз спектакли қатнашувчилари билан учрашишдан олдин пьесадаги хатти-харакат килувчи шахсларнинг ўзаро муносабатларини ва характерини чуқур

ўрганиши лозим. Режиссёр персонажларнинг хулқ-авторини, уринишларини, воқеалар оқимини ва интилишларини ўрганади, образларнинг етакчи хатти-ҳаракати ва олий мақсадини аниқлайди.

Ҳар бир ролнинг етакчи хатти-ҳаракатини аниқлаш орқали уларнинг мақсадга мувофиқ интилаётган ҳаракати белгиланади. Бу интилиш Станиславский айтганидек — олий мақсаддир. “Инсон образи” — бу унинг нима қилаётганлигини, фикрларини, туйғуларини очиб берадиган хатти-ҳаракатлар мажмуасидир. Образнинг олий мақсади эса, асосий масала бўлиб, персонаж интилаётган энг муҳим мақсаддир. Персонажнинг асосий сифатига образ “мағзи” дейилади.

Мағиз (зерно), бу инсоннинг факат ўзига хос хусусиятлари — асарнинг берилган шарт-шароитида ҳаракатга келтирувчи характердир. Маълумки, бир кишининг ҳаёти зерикарли, иккинчисиники қизиқарлидир. Бирининг иштирокида ҳар доим яхши фикрлар айтгинг келади, иккинчисининг атрофидан қоронғумудхиш фикрлар аримайди.

Режиссёр томонидан тўғри аниқланган “мағиз”, ҳар доим актёрлар билан ишлаш жараёнида, унга топширилган образни тўғри талқин этиш ва баҳолашни таъминлайди. Пьесадаги образлар системасида ҳар бир ҳаракат қилувчи шахснинг асар ғоясини очишдаги ўрнини тўғри тушуниш, уларнинг етакчи хатти-ҳаракатини ва ўзаро муносабатини аниқлашга ёрдам беради.

Режиссёр хатти-ҳаракат қилувчи шахсларнинг хулқ-авторларини ўрганар экан, шу билан бирга уларга характеристика — таъриф бериш устида ҳам иш олиб боради. Режиссёр пьеса қаҳрамонларига таъриф берар экан, персонажнинг ўзи-ўзи ҳақида ёки бошқалар у тўғрисида берган характеристикаларни ва маълумотларни жамлаб, таҳлил қилиши лозим.

Драматург томонидан яратилган образнинг тилини чуқур ўрганиш орқали унинг характеристига калит топиш мумкин. Образга характеристика бериш жараёни режиссёр учун қийин ва масъулиятли жараён. Чунки бу таҳлил келгуси спектакл учун асосий заминдор. Етакчи хатти-ҳаракатни аниқлаш орқали мавзу ва ғоя орасидаги мутаносибликни белгилаш ҳар бир персонажнинг олий мақсадини англашга ёрдам беради. Олий мақсад ўз навбатида спектаклнинг бадиий қимматини, унинг ғоявийлигини ва қарама-қаршиликлар ўсузвчанлиги асосидаги томошавийликни белгилайди. Демак, талқин ролнинг образига характеристика бериш, персонажларнинг характеристини аниқлаш, улар орасидаги қарама-қаршилик негизини англашга асосланса ижобий натижа беради.

Характер юононча сўз бўлиб “хосса”, “хусусият” маъносини англатади. Кишилардаги хилма-хил ижтимоий муҳит ва тарбия туфайли туғилган турлича

хулқ-атвор ва түйғу ҳамда баҳолаш каби психологик хусусиятлар характер деб аталади. Кишиларнинг хулқ-атвори ва фазилатлари, уларни ўраб олган ижтимоий мухит, оила ва мактаб тарбияси таъсирида шаклланади, ўсади, ўзгаради. Бадиий асарда индивидуал хусусиятлар билан яққол гавдалантирилган, тўла ва аниқ тасвирланган инсон образига — характер дейилади. Драматургнинг маҳорати билан яратилган характерлар ҳамма вақт типик даражасига кўтарила олади. Масалан, Маҳмудхон, Фофир, Йўлчи, Солиҳбой, Марямхон, Жамила, Ўткурий, Тошболта, Мўмин, Фармон биби, Сулаймон ота ва бошқа образлар ўз замонасининг типик характерларидир. Мана шу каби характерларни саҳнада тасвирлаш, жонлантириш, ифодалаш ва бадиий гавдалантириш режиссёрнинг асосий вазифасига киради. Демак, персонажларга берилган характеристика маълум бир ҳодиса, киши ё предметга хос хусусият ва сифатларни белгилаш ҳамда аниқлашдир. Муаллиф ўз асарида иштирок этувчиларнинг келиб чиқиши, фаолияти, хулқ-атвори, идроки, қобилияти, интилиши, ташқи қиёфаси ва иродаси ҳақида маълумот берса, яъни қаҳрамонларнинг хулқ-атворини, уларнинг хатти-харакати ҳамда ички кечинмалари орқали тасвирласа, бу муаллиф берган характеристика дейилади.

Хулоса қилиб айтганда, режиссёр драматик асар устида ишлаш жараёнида саҳнавий ижод принципларига амал қилса, ролнинг образига характеристика берилиб, жонли инсон хусусиятларини намоён қилибди дейилади. Демак, драматик асардаги воқеалар тизимида иштирок этаётган қаҳрамонлар характеристини аниқлаш, яъни характеристика орқали персонажларни актёрлар ижросида жонлантириш режиссура санъатининг мухим таркибий қисмларидан бири ҳисобланади.

### **Мавзуни мустаҳкамлаш учун саволлар**

1. Театрнинг репертуар сиёсати нега режиссёрга боғлиқ?
2. Пьеса мавзуси қандай аниқланади?
3. Ҳал қилиниши зарур бўлган мухим масаланинг ечими нега ғояни аниқлаш дейилади?
4. Муаллиф ўз ғоясини очиш учун воқеалар тизимини қандай принцип асосида қуради?
5. Воқеада иштирок этаётган персонажлар характеристи қандай аниқланади?
6. Конфликт — тўқнашув тушунчасининг аҳамиятини изоҳланг.
7. Асарнинг композицион қурилиши қандай аниқланади?
8. Пьесанинг услуг ва жанрини аниқлаш қандай аҳамиятга эга?
9. Пьесанинг етакчи хатти-харакати қандай аниқланади?
10. Персонажларнинг ва асарнинг олий мақсадини режиссёр қандай аниқлайди?

11. Драматик асарнинг бадиий яхлитлиги қандай аниқланади?

12. Ролнинг образи тушунчасини изоҳланг.

### **Адабиётлар рўйхати**

1. Имомов Б., Жўраев К., Ҳакимов Х. Ўзбек драматургияси тарихи. — Т.: Ўқитувчи, 1995.
2. Исмоилов Э. Маннон Уйғур. Т.: Ўқитувчи, 1983.
3. Ризаев Ш. Жадид драмаси. — Т.: Шарқ, 1997.

#### **4- мавзу: Саҳна макон композицияси Режа**

1. Оммавий томошалар маконий композицияси.
2. Мезонсаҳналаштириш асоси.
3. Саҳна безаги ва мезонсаҳна

Дарс жараёнида фаннинг мавзулари мантиқий кетма-кетликда келтирилади. Ҳар бир мавзунинг моҳияти асосий тушунчалар ва тезислар орқали очиб берилади. Бунда мавзу бўйича тингловчиларга замонавий педагогик технологиялар асосида билим ва қўникмаларни қамраб олади.

**Калит сўзлар:** Ирода — ролнинг образини яратиш учун қанча ақл, куч, сабртоқат, қийинчиликларни матонат билан енгадиган ишонч, изланиш, қайта изланиш, кузатиш ва уларни жамлаб, амалиётга тадбиқ қилиб, то ижобий натижага эришмагунча тинчлик бермайдиган қувват—яратувчилик қудрати.

**Конфликт** — лотинча “ихтилоф”, “тўқнашиш” тушунчаси бўлиб, бадий асарда тасвирланган воқеа иштирокчилари ўртасидаги курашни, зиддиятни, келишмовчиликни, ихтилофни англатади.

**Комедия** — юонончада “қувноқ томоша”, кулгули қўшиқ маъносини англатади. Унда ҳаётдаги кулгили ҳодисалар тасвир этилади, ижтимоий ва оиласвий можаролар, кишилар характеридаги баъзи бир қусурли хусусиятлар очиб ташланади. Комедия драматик асарнинг бир тури сифатида қувноқ халқ томошалари заминида вужудга келган.

**Композиция** — саҳна асари воқеаларининг тизимли тартибини аниқлаш бўлиб, у кириш, тугун, ривож, авж ва ечим каби таркибий қисмлардан иборат. Композиция — бўлаклар билан яхлитлик ўртасидаги ўзаро мувозанатдир.

**Мизансцена** — саҳнада актёрларни ва жиҳозларни мақсадга мувофиқ жойлаштириш ҳамда жой алмаштиришлариdir.

**Образ** — санъатда қайта идрок этилган воқелик ҳамда характер тасвири.

Ҳаёт ва саҳна қонунларини яхши билган драматург ўз асари ғоясини очиши учун танлаб олган ва онгли равища қуриб чиқсан воқеалар тизимида характерлар ўз мақсадига эришишга интилади. Асаддаги руҳий кечинмалар жараёнини саҳнавий томошага айлантириш учун ўйлаб топилган бадий саҳна ечими — режиссёрлик талқини пайдо бўлиш жараёнида ғоя ва уни ифодалаган воқеалар тизими таянч вазифасини ўтайди. Драматург режасини, режиссёр талқинини англаған актёр саҳнада содир бўлаётган воқеада иштирок этиб, унинг берилган шарт-шароитларини қабул қилиб, баҳолаб, ўз муносабатини билдириши жараёнида персонажларнинг характери намоён бўлади.

Саҳнавий — “...асарнинг таҳлили ва талқини тўғрисида ҳали “алифбе” яратилгани йўқ”, дейди Станиславский. Лекин ҳар қандай пьеса қулфи учун тушадиган ва уни сирини очадиган калитни ҳамон қидирмоқдамиз ва у хатти-харакат таҳлили деб аталмоқда. Таҳлилни биз амалиётда қуидаги тартибда амалга ошироқдамиз:

- воқеалар тизимини аниқлаб, ҳар бирининг асар ғоясини очишдаги мөхиятини ва сюжетли боғлиқлигини англашга ҳаракат қиляпмиз;
- ўз ғояси учун курашаётган томонларнинг саҳнада содир бўлаётган воқеага муnobатини аниқлаб оляпмиз;
- ҳар бир воқеа ўз муҳитига, яъни шарт-шароитига эга бўлади. Саҳнада шу муҳитни яратиш учун зарур бўлган ифода воситаларини, яъни руҳий, жисмоний ва жиҳозий далилларни топишга интиляпмиз;
- воқеаларни ривожлантирадиган, курашни кескинлаштирадиган “олий мақсад”ни ва “етакчи хатти-ҳаракат”ни аниқлаб оляпмиз;
- кескин кураш жараённида ҳарактерлар — ҳаётдаги инсонлар каби комиллика эришганини ёки тубанликка қулаётганини намойиш қиляпмиз;
- томоша якунида ҳар бир персонажни образ даражасига қўтарилиган бадиий яхлит ҳарактерга айлантиришга ҳаракат қиляпмиз.

Бизнинг бу изланишларимиз адабиётшунослар таҳлилидан фарқ қилишини ва саҳнавий талқин масаласи эканлигини аввало драматурглар, сўнгра театр билан боғлиқ ижодкорлар билиб қўйишини хоҳлаймиз, дейди XX аср бошида Станиславский. У саҳна асари талқинининг таҳлили, яъни хатти- ҳаракат таҳлили масаласини такомиллаштириш амалиёти ҳамда назарияси билан умрининг охиригача шуғулланди.

Демак, хатти-ҳаракат таҳлили, аввало, асар ғоясини очиш учун драматург томонидан танлаб олинган муҳим ва бир-бирига боғлиқ равишда қуриб чиқилган воқеалар тизимини аниқлашдан бошланар экан. Станиславский мен ҳаёт қонунларига асосланиб саҳна қоидаларига аниқлик киритдим ва уни система — тартибга келтирилган тизим, деб атадим дейди. Ҳақиқатдан ҳам ҳаётда зарурият туфайли у ёки бу воқеа содир бўлади. Улар жаҳон миқёсидаги янгиликлар ёки талофатлар, давлат даражасидаги ихтиrolар, корхонадаги ўзгаришлар, шахс тақдирни билан боғлиқ қувончли баъзан ташвишли воқеалардир. Онгли инсон уларнинг ҳар бирига ўз муносабатини билдиради. Ўзи билан боғлиқ воқеа баъзан унинг тақдирини, асосан, мақсадини у ёки бу томонга ўзгартиради. У қабул қилган қарор ва бажараётган амал, унинг ҳарактерини — иродасини ўзгаларга аён қиласи. Воқеа ҳаётда ана шундай муҳим, баъзан ҳал қилувчи аҳамиятга эга ва у зарурият туфайли янги режани, мақсадини, ҳаракатни юзага келтиради. Бу ҳаёт қонуни.

Саҳнадаги воқеа ҳам зарурат туфайли, яъни драматург ёки режиссёр ўз ғоясини очиш учун териб олган сюжетли тизимдан — бошланиш, тутун, ривожланиш, авж ва якунга эга яхлитликдан иборат. Бу яхлитликни ҳар бир персонажнинг олий мақсади ва етакчи хатти-ҳаракати, воқеаларнинг мантиқан ҳамда изчил боғланиши юзага келтиради. Воқеа муҳим ва тугал бўлса, саҳнадагиларнинг унга муносабати ҳам аниқ бўлади. Натижада, персонажларнинг қилмишлари, амалиёти, хатти-ҳаракати томошабинга тушунарли жараёнга айланади. Аксинча, воқеа муҳим ва тугал бўлмаса ҳодиса даражасида ёки мавхум бўлса, аввало, ижрочилар ҳаракати мантиқсиздай туюлади. Қизиги шундаки, ҳар куни содир бўладиган “учрашув”, “тўй”, “жанжал”, “ажралиш” ёки “аъза” каби воқеалардан барча драматурглар фойдаланади. Ҳар бир воқеа ўз шарт-шароитидан келиб чиқиб, турли ғояларни очишга хизмат қиласи. Драматург воқеани шарт-шароитидан келиб чиқиб, уларни мантиқий боғлаб, изчил тизимга олиб келади. Бир

воқеанинг турли шарт-шароитда содир бўлиши, ўз навбатида диалог мантигини бошқаради.

Демак, асар ғоясини ифодалашда териб олинган, мантиқан куриб чиқилган воқеалар тизими ва уларнинг муҳити театр ижодкорлари, режиссёр, актёр, рассом, композитор, балетмейстер, чироқчи ва овозлаштирувчилар учун таянч вазифасини ўтайди. Содир бўлаётган воқеалар тизими ва ривожи асосида аста-секин асарнинг ғояси ҳамда персонажларнинг характеристики очилиб боради.

Юқоридагилардан келиб чиқиб Владимир Блок ўзининг “Станиславский системаси ва драматургия масалалари” номли китобида воқеани уч тоифага бўлади. Биринчиси, содир бўлган воқеа асар иштирокчиларининг барчаси учун аҳамиятли, уларнинг тақдиди шу воқеанинг ечими билан боғлиқ. Масалан, Шоҳ Эдипда шаҳарга вабо келгани ва унинг ечими барчага тааллуқли. Иккинчиси, бош қаҳрамон тақдидида муҳим воқеа содир бўлади ва унинг дунёқараши ўзгаради. Бу ўзгариш юксалишга ёки тубанликка олиб келади. Масалан, “Темир хотин”да Кўчқор робот — Аломатга уйланади. Унинг таъсирида бош қаҳрамонда ҳаётга, турмушга ва оиласига нисбатан ижобий ўзгариш содир бўлади. “Ричард III” да эса, мажрухнинг таҳтга ўтириши кутилмаган воқеа эди. Бу воқеадан сўнг унда тубанлашув содир бўлади. Учинчиси, асар персонажларининг барчасини тақдидида муҳим воқеа содир бўлади ва уларда кескин бурилишлар содир бўлади. Томошабин содир бўлган воқеалар тўпламидан асар ғоясини англайди ва ўзига тегишли хулоса чиқаради. Бунга “Гамлет” асари персонажларини мисол тариқасида келтириш мумкин.

Станиславский, асар талқинини тўғри ҳал қилиш учун биз уни оддийдан-мураккабга қараб таҳлил қилиб ўрганамиз. Улар орасида энг соддаси ва барчага дархол аён бўладигани асарнинг фабуласидир, дейди. Ҳақиқатдан ҳам шундай, ўқиб чиқилган асарнинг воқеалар тизимини қисқа ва лўнда қилиб айтиб бериш — фабулани сўзлашдир. Масалан, “Темир хотин” фабуласи шундай — ҳар куни ичиб келадиган Кўчқорнинг хотини жанжаллашиб кетиб қолади. У хотинига кетсанг “онаси ўпмаганига” уйланиб оламан, дейди. Уйига Олимтой упаковкада робот — “Аломат I”ни олиб келади. “Бўйдоқ” Кўчқор уни никоҳлаб олади. Робот унинг дунёқарашини ўзгартириб юборади. Ўзбек аёли ҳар куни қиладиган ишга чидамай робот ёниб кетади. Кўчқор сабрли, чидамли хотини билан ярашади. Биз нимани гапирдик? Ўзимиз билмаган ҳолда драматург ўз ғоясини очиш учун териб олган воқеалар тизмини, мантиқли ва изчил қурилган ҳамда яхлитликка олиб келинган фабулани айтиб бердик. У ишонарли, ижрочилар учун тасаввур қилишга, баҳолашга ва мақсадли ҳаракат қилишга асос бор. Асар фабуласи –воқеалар тизимини аниқлашга ва унинг ғоясини англашга шароит яратади. Қизиқарли воқеалар тизими аввало, асар ғоясини англатади.

Энди бу воқеаларда кимлар иштирок этаяпти, улар нима учун курашаяпти, деган саволларга жавоб топсак, биз энг мураккаб жараён — персонажларнинг характеристларини аниқлаш ва англашни бошлаймиз. Содир бўлган воқеани ўз персонажларига чуқур таҳлил қилдириш ва уларни баҳолаш эвазига А.Чехов драматургияда янги йўналиш ихтиро қилди. Персонажларнинг ўз тақдиди таҳлилидан сўнг кутилмаган қарорга келиши ҳам ўзига хос янгилик эди. Айниқса, саҳнадагилар бир-бирининг сўзига-сўз билан эмас, аксинча, фикрга-фикр билан

жавоб қайтариши ҳам ўзига хос янгиликдир. Натижада, ташқи-очиқ курашлар, ички-ёпик курашга, фикрлар тўқнашувига айланди. Бир-бирини тўлдирувчи ёки инкор қилувчи таҳлилий фикрлар томошабинни содир бўлаётган воқеага, ижтимоий муҳитга, персонажлар тақдирига нисбатан ўз тасаввурига эга қилиб, спектакл иштирокчисига айлантира олди.

А.Чехов персонажлари содир бўлаётган воқеа ичидаги бўла туриб, ундан ташқарига чиқа олди, яъни, ўз тақдири ва жамиятдаги ўрни тўғрисида фикр юрита олди. Уларнинг бундай фикрга келишига воқеа турки вазифасини ўтади. Шекспир персонажлари эса воқеа ичидаги ўз мақсадлари учун курашадилар, Чехов қаҳрамонлари воқеа баҳона ўзлигини излайди. Бу янгиликдан кейин, драма назариясида “Шекспирона конфликт” ёки “Чеховга хос конфликт” номли атамалар пайдо бўлди.

Бу борада Станиславский — Чехов, саҳнавий ҳаракат ички туйғулар асосида содир бўлса жуда таъсирчан кучга эга эканлигини барчадан яхшироқ тушунади. Ташқи ҳаракатлар асосига курилган кураш — Шекспир асарларидаги каби кўримли, ёрқин, кўнгил очар, содда бўлади. Ички кураш асосидаги ҳаракатлар туйғуларимизга, руҳиятимизга таъсир қилиб, қалбимизни, вужудимизни ўз ихтиёрига олади. Албатта, ташқи ва ички ҳаракатлар ўйғунлигидаги спектаклни кўриш жуда катта завқ беради, лекин ички курашга асосланганлари барчасидан устундир, дейди.

Гамлет кўз олдида содир бўлган воқеадан таъсирланиб, уни баҳолаб, ўз муносабатини монологлар орқали томошабин билан биргаликда, очиқ, юзма-юз туриб таҳлил қиласди. Чехов қаҳрамонлари содир бўлган воқеадан қанчалик таъсирланганини эмас, балки ўзи учун, келажаги учун қанчалик аҳамиятли ёки зарарли эканлигини таҳлил қиласди. Персонажларнинг монолог тарзидаги фикрлари “ёпик” — ички туйғулар бўлиб, гўё фақат, уларнинг ўзигагина тегишилдай кўринади. Уларнинг ички кечинмалари қандайдир сеҳр билан томошабинга ўз таъсирини ўтказади ва уларнинг тасаввурида жамланиб, тобора улгайиб бораётган туйғуларни кўтариб, сабр ва матонат билан олға интилаётган персонажлардан тараалаётган “ирода нури” қаҳрамонга нисбатан хурмат уйғотади. Шунинг учун Чехов асарларини ўйнаб бўлмайди, уни вужудинг билан ҳис қилиб, унда борлифинг ва қалбинг билан яшамасанг, унинг персонажлари саҳнада жонланмайди деган афоризм пайдо бўлди.

Чеховнинг воқеаларни танлаб олиш ва тизимли куриб чиқишида ҳам ўзига хослик бор. Бош воқеани ёрқин очилишига қолган воқеалар хизмат қиласди ва бадиий яхлит, “муҳим ва тугал” воқеага айланади. Масалан, “байрам”, “спектакл”, “учрашув” каби қувончли воқеалар чукур муҳокамалардан сўнг тушқун кайфият билан якунланади. Лекин воқеа иштирокчиларининг эртанги қунга ишончини йўқотмагани, ўз ҳаётийлиги билан томошабин қизиқишини янада орттиради.

Томошабин шу воқеага қандай муносабат билдиради деган саволга жавоб бериш Чехов — драматургнинг эсидан ҳеч чиқмайди. У “очиқ муносабатдан” ёпик шама (подтекст), сўз остига яширилган фикр — “коса тагидаги ним коса” каби диалоглар орқали ўзаро муносабатларни ёрқин ифодалайди. Бу услуб томошабинни узлуксиз равишда содир бўлаётган воқеада иштирок этишга ва унга ўз муносабатини билдириб боришга ундейди. Сўзлар остига яширинган фикрни

англаб, “ҳазм” қилиб бораётган томошабин учун монологлар персонажларнинг ички дунёсини очиб, нега у ёки бу қарорга келганини намоён қиласди. Томошабин ўзи учун қашф қилган бу ихтиrolар жамланиб асар ғоясини очади ва театр айтмоқчи бўлган муҳим фикрни англашга олиб келади. Англанган муҳим ва тугал воқеа, персонажлар тўйғулари, уларнинг тақдирни, асар ғояси билан бирга томошабин қалбида — хотирасида яшайди.

Муҳим ва тугал воқеа томоша санъати турларининг асоси эканлигини Аристотел 2350 йил аввал ўзининг “Поэтика” асарида асослаб берган эди. Унинг назарий қарашларига амал қилган саҳна ижодкорларининг асарлари мумтоз драматургия ҳисобланиб, асарлардан-асарларга, авлоддан-авлодга маънавий, бадиий мерос вазифасини ўтамоқда. Биз қуйида Аристотелнинг воқеа томоша санъати турларининг асоси эканлиги ҳамда унинг аҳамияти тўғрисидаги фикрларига тўхталамиз.

“Поэтика” асари шундай бошланади — “Биз умуман, поэтик санъат тўғрисида, шунингдек, унинг алоҳида кўринишлари ва улардан ҳар бирининг имкониятлари, поэтик асарнинг яхши чиқиши учун фабула қандай тартибда тузилиши зарурлиги тўғрисида сўзлаймиз”. Адабиётшунослар алломанинг томоша санъати учун энг муҳим бўлган таянч — воқеалар тизими эканлиги тўғрисидаги фикрини кам сўзлайдилар. Сабаби, улар театр санъатининг қонун-қоидалари тўғрисида тўлиқ тушунчага эга бўлмаганидир.

“Поэтика” трагедиянинг барча томоша санъати турларидан устунлигини исботлашга қаратилган. Аристотел ўз фикрини қиёслаш услуби билан, яъни трагедияни томоша санъатининг бошқа турлари билан тақкослаб, факат угина ларзага солиш қудратига эга эканлигини исботлайди. Ҳақиқатдан ҳам — ракс, мусиқа, пантомима, драма ва комедиянинг энг яхши намуналари томошабинни ҳайратлантириши мумкин. Ҳайратдан юқорироқ бўлган тўйғу — ларзага солиш факат трагедияга тааллуқли эканлиги далиллар билан изоҳланади. Аристотел таъкидлаганидек, томоша санъати турларининг барчаси ва поэзия — ўхшатиши санъатидир. Уларнинг ҳаммаси характерларни, эҳтиросларни, ва воқеаларни қайта гавдалантиради.

Мавзу воқеа ҳақида бўлганлиги учун қайта гавдалантириш масаласига тўхталамиз. Воқеа қайта гавдалантирилганда муаллифлар уч хил тасвирлаш усули билан фарқланади. Биринчиси, муаллиф воқеаларга аралашмай ҳикоя қилиши, яъни ташқаридан кузатаётгандай тасвирлаши мумкин. Иккинчиси, муаллиф ўзи воқеа ичидаги иштирок этади ва ҳис қилганларини қайта гавдалантиради. Учинчиси, воқеада иштирок этаётган барча шахсларни қайта гавдалантириши мумкин. Булардан 1 — ва 2-чиси ёзувчи ва шоирларга хос, 3- чиси эса драматургларга тегишлидир. Драматурглар Софокл ёки Аристофан каби ўз персонажларини драматик ҳаракатда кўрсатади.

Комедияда ҳам ҳаракат қилувчи шахс акс эттирилади. Комедия — комедзейн (базм қилмоқ), дарбадар кезишдан келиб чиқсан, жиддий шоирлар гимн ва мадхия каби улуғвор қўшиқларни тўқиб — эпик, ҳазил-мутойибага монанд ҳажвий қўшиқларни тўқиганлар — комик деб аталган. Сўнгилари учун ямб ўлчови — истеҳзоли вазн қулай эди. Комедия ижодкорлари масхаралашга эмас, кулгули

нарсага дараматик пардоз бериб, бу турнинг асосий шаклларини бунёд қилдилар, дейди Аристотел.

Трагедия ва комедиянинг илк шаклини, эпик ва комик жиҳатларини намуна даражасига олиб чиқилганлигини Гомер асарларида кўриш мумкин, дейди Аристотел. Унинг асарларида драмадаги — кескин ўзгариш, тўсатдан билиб қолиш, характер каби унсурлар намуна даражасида эди.

Аристотел хор, дифирамб ва фалл кўшикларини бошлаб берувчиларни биринчи актёрлар деб ҳисоблайди. Трагедия кўп ўзгаришларни бошидан кечирга, ўзига хос, такрорланмас хусусиятларга эга бўлди. Унинг ривожига Эсхил кашф қилган иккинчи актёр катта ҳисса кўшди. Натижада, икки актёр ўртасидаги диалог пайдо бўлди ва у биринчи ўринга чиқди, томошанинг хор қисми камайди. Софокл эса учинчи актёрни ва декорацияларни киритди. Трагедияда диалогнинг етакчилик қилиши эвазига — кичик афсоналар, сатирик томошалар йўлини босиб ўтиб, ўз камолотини таъминлаб, улуғвор босқичга кўтарилди.

Кичик афсоналар ва сатирик томошаларда диалоглар тузиш учун воқеа ва характерлар таянч эканлигини драматурглар англаб етди. Сабаби Гомер ижодининг ҳайратомузлиги ҳам айнан воқеалар тизими ва характерларда эди. Актёрнинг саҳнадаги жонли сўзлашуви, яъни диалоглар учун ямб — истеҳзоли вазн қулай эканлиги маълум бўлди. Шундай қилиб трагедия ўзига зарур бўлган жиҳатларни бошқа томоша турларидан жамлаб, бадиий уйғунликка эришди. Комедия ва трагедия муайян бадиий шаклга эга бўлгач, уларнинг бир-биридан тубдан фарқ қиласидиган жиҳатлари қуидагича аниқланди.

Комедиядаги — “хато” персонажларнинг хатти-харакатида, “мажруҳлик” эса характерларидадир. Трагедия эса — “хато” дардли, изтиробли, характерлар пафосда, яъни эҳтирослар жўш урганда заарли, яъни ҳалокатли қилмишга олиб боради. Бош қаҳрамоннинг ҳалокати — ғоянинг ғалабаси билан якунланади. Шундай қилиб трагедия барча томоша турларидан ларзага солиш орқали поклаш — катарсис хусусияти билан етакчилик қила бошлади.

Юқоридаги изоҳлардан сўнг Аристотел “Поэтика”нинг 6-бобида трагедияга таъриф беради ва унинг моҳиятини очади. Таъриф — “Трагедия муайян ҳажмли, турли қисмлари турлича сайқалланган, тил ёрдамида, баён воситасида эмас, балки хатти-харакат орқали кўрсатиладиган ва изтироб билан инсон руҳини покловчи муҳим ва тугал воқеа тасвиридир”. Демак, трагедиянинг таянчи бўлган “муҳим ва тугал воқеа” муайян ҳажмга эга бўлиши, яъни бир кунда томоша қилиб улгурадиган, вақт доирасида жойлашиши зарур. Муҳим воқеалар ичидағи қилмишлар персонажлар томонидан амалга оширилади ва улар ўз характерига эга бўлади.

Трагедия кўрсатишига мўлжалланганлиги учун — тасвирлаш воситалари, томошавийлик, мусиқийлик ва тил ёрдамида персонажларни ҳаракатга келтиради. Персонажлар баён, яъни изоҳлашлар ўрнига, ўз қилмишларини амалга ошириш учун хатти-харакат қиласиди. Улар ўз қилмишларини маълум мақсадга эришиш учун амалга ошириб, муваффакиятга ёки муваффакиятсизликка учрайди. Демак, уларни муҳим ғоя, фикр етаклайди. Шу ғояни амалга ошириш жараёнида бош қаҳрамоннинг дардли изтиробларни бошдан кечириши кўрувчиларни ларзага солиб — катарсис, яъни руҳан поклайди. Трагедия муҳим ғоя ва тугал воқеа

ифодасига айланиши учун қуидаги олти унсурга амал қилиш лозим, дейди Аристотел. Улар:

- фабула (мифос), яъни воқеалар оқими — бошланиш, ривожланиш, перипетия (кескин бурилиш) орқали ечимга эга бўлсагина тугал ҳисобланади;

-характер, воқеада фаол иштирок этаётган персонажларнинг феъл-аворидир. Улар ўз феъллари оқибатида баҳтли ёки баҳтсиз бўладилар;

-тил (сўз), — воқеада иштирок этаётган характерли персонажларнинг сўз ёрдамида мулоҳаза юритиши, яъни воқеага хос ва характерга мос, ғояни очиш учун аҳамиятга эга бўлган сўзлар орқали ўз фикрини тушунтиришидир;

- фикр (ғоя), — воқеада иштирок этувчиларнинг муҳим нарсани бор ёки йўқлигини ҳимоя қилиши ва исботлашидир;

- томошавийлик деганда, воқеалар оқимини ишонарли ва ижрога қулай бўлиши назарда тутилади. Кимки характерларни, ибораларни, ажойиб ифода ва фикрларни қалаштириб тишлаб, воқеалар оқимига ва ундаги перипетияларга аҳамият бермаса трагедиянинг рухни мафтун этувчи томошавийлигига путур етказади.

- мусиқийлик, безакларнинг асосийси ва гўзалидир. Ҳар бир воқеанинг муҳити, темпо-ритми, характерларнинг ўзи хос ритми ва эҳтироси, сўз — тилнинг вазн-оҳангига уйғунликда томошанинг умумий мусиқийлигини таъминлайди. Кўрувчилар келгунча ёки томоша жараёнидаги мусиқалар юқоридагилар билан уйғунлашсагина трагедия ўз мақомига эришади.

Унсурларнинг икки қисми — тил ва мусиқа тасвиrlаш воситаларига, томошавийлик — тасвиrlаш усулига, қолганлари — фабула, характерлар ва ғоя тасвиrlаш мазмунига киради, деб таъкидлайди Аристотел.

Трагедиянинг олти унсури ичидаги энг муҳими — воқеалар оқими. Чунки, воқеалар оқимида кишиларнинг мақсадли ҳаракати бор. Мақсадли ҳаракат баҳт келтиради. Қилмиш эса баҳтсизликка етаклайди. Трагедияда кишиларни акс эттиришдан мақсад, уларнинг фазилатини эмас, балки муҳим ва тугал воқеани талқин этишдир. Фазилатли кишиларнинг баҳтли ёки баҳтсиз экани воқеалар оқимида намоён бўлади. Воқеада иштирок этаётган кишиларнинг хатти-ҳаракатида уларнинг характеристери кўрсатилади.

Трагедиянинг қолган унсурлари унинг мазмуни ва томошавийлигини таъминлайди. Шундай қилиб, трагедиянинг асосини, воқеалар оқими ташкил этади ва у бу оқимсиз яшай олмайди. Демак, воқеа трагедиянинг қалби. Муҳим ва тугал воқеа мусаффолаштиришга мўлжаллангани учун, унинг моҳиятини кутилмаган бурилишлар ва сирнинг очилиши аён қиласи. Воқеалар оқимида намоён бўладиган фикр — ғоянинг теранлиги ва унинг моҳияти драматургнинг маҳоратини белгилайди. Сўз — тил билан персонажларнинг ниманидир маъқуллаши ёки инкор қилиши ифодаланади. Ниманидир борлиги ёки йўқлигини исботлаш эса асарнинг ғоясини белгилайди.

Воқеанинг муҳимлигини тушунтириб бўлган Аристотел, унинг оқими қандай уйғунлашади ва тизимга келади, деган масалага тўхталади. Трагедия муайян ҳажмга эга фабуланинг яхлит тасвири экан, аввало, воқеалар оқимининг натижасида тугалликка эришиладиган мифос — ривоятга изоҳ берайлик. Агар биз “Шоҳ Эдип” ҳақида кимгадир хабар берсак — шоҳлар оиласида ўғил фарзанд

кўришади, бу фарзанд ҳақида худолардан — отасини ўлдиради, ўз онасига уйланади ва шоҳ бўлади, шу гуноҳлари учун у яшаб турган юртга вабо келади, эл-юрт вабога учрамаслик учун бу фарзанд ўлимга ҳукм қилинади. Ҳукм амалга оширилмайди. Натижада, ваҳий амалга ошади шоҳ Эдип юртига вабо келади. Вабо сабаби — бу юртда гуноҳкор борлиги ва уни аниқлашга интилган ҳалқ — шоҳ Эдипдан ёрдам сўрайди. Натижа воқеа кутилмаган ечимга эга бўлади. Шоҳ Эдип тирик қолган ўша фарзанд эканлиги исботланади. У ўзига-ўзи ҳукм чиқариб, кўзини ўйиб олади. Бу ҳалқни кўзига қарашга, у дунёда отаси, онаси, ўзидан бўлган фарзандлари, “укалари” кўзига қарашга уялганлик рамзи бўлиб, ўз даврининг қаҳрамонлиги ҳисобланган. Кўзи кўр шоҳ Эдип ҳалққа келган вабони сўраб олиш учун худолар олдига кетади. У ўз ҳалқини вабодан қутқарган қаҳрамон эди.

Аристотел қисқа ва лўнда бу изоҳни — фабула деб атайди. Фабула воқеалар оқими орқали яхлитликка эришади. Биз гапириб берган изоҳ эса, асар ғоясини очган воқеалар тизимиdir. Шунинг учун “Шоҳ Эдип” трагедияси муҳим ғоя ва тугал воқеа тасвиридир.

Асар ғоясини очадиган воқеаларнинг қисмлари қандай яхлитликка эришади, деган саволга Аристотел — “яхлит нарса ибтидоси, ўртаси ва интихоси бўлган нарсадир”, деб жавоб беради. Шундай қилиб, илк бор композиция қонунига асос солинади. Бугун у драма назариясида — кириш, тугун, ривож, авж ва ечим деб изоҳланади.

Ибтидо, яъни бошланишни Аристотел — бошқа нарса кетидан келиши зарур бўлмаган, аксинча, табиат қонунларига кўра, орқасидан нимадир қилувчи ёхуд содир бўлувчи нарсадир, дейди, яъни ўзидан аввал ҳеч нарса, ўзидан кейин шиддатли ривожланишига асос бўладиган жойни — нуқтани бошланиш деб қабул қиласиз. Бу театр санъати учун ғоят зарур бўлган атамадир. Чунки, парда очилиши билан бошланадиган воқеа ўзидан кейин келадиган ва шиддат билан ривожланадиган тизимга асос бўлади. Бу изоҳдан сўнг хоҳлаган жойдан бошлаш эмас, энг кескин воқеадан пардани очиш театр санъати талабига айланади. Буни аллома қўйидагича изоҳлайди.

Софокл яратган “Шоҳ Эдип” ўзигача бўлганлардан кескин фарқ қилди ва бир неча фестивалларда ғолиб бўлди. Сабаби драматург ўз асарини воқеанинг энг кескин жойидан бошлади ва шиддат билан ривожлантира олди. Масалан, Софоклгача бу ривоятни ёзганлар фабуласи — туғулиш, ваҳий, ҳукм, хиёнат, фалокат, туй, вабо, жазо, қаҳрамонлик каби воқеалар оқимидан иборат эди. Софоклнинг “Шоҳ Эдип”и энг кескин воқеа — шаҳарга вабо келишидан бошланади ва у шиддат билан ривожланади. Вабогача бўлган воқеалар оқими эса бошқа персонажлар тилидан тафсилот ва далил сифатида ёрдамчи воситага айланади. Натижада, “Шоҳ Эдип” тартибли воқеалар оқимига эга, муайян ҳажмли, мантиқий ечимли бадиий шаклга, яъни бир кунда кўрса бўладиган томошага айланди.

Драматургнинг бу ижодидан Аристотел — қандай трагедия гўзал, деган саволга жавоб топади ва муҳим бўлаклардан таркиб топган, тартибли ва муайян ҳажмга эга ҳар қандай нарса гўзалдир, деган хulosага келади. Гўзаллик ҳажм ва тартибдан келиб чиқади — ҳаддан ташқари кичик нарса сезиларсиз, каттасини эса нигоҳда қамраб олиш қийин бўлгани учун қўрувчилар нарсанинг яхлитлигини

англамайдилар. Демак, гўзаллик бир қарашда қамраб ва сезиб олинадиган нарсалардир. Меъёр талабига кўра, муҳим ва тугал воқеа қўрувчилар томонидан ҳиссий идрок этишга қулай ҳажмли бўлмоғи лозим. Ҳажм нарсанинг моҳиятидан келиб чиқади. Шундай экан тушунарли нарса ҳажман гўзал бўлади ва унда воқеалар ҳам, эҳтимолият ҳам, заруратга кўра тўхтовсиз давом этади ҳамда баҳтсизликдан — баҳтга ёки баҳтдан — баҳтсизлик томон ўзгариб турадиган оқимга айланади.

Аристотел воқеа бирлиги масаласига ҳам тўхталиб, ривоят битта қаҳрамон атрофида айлансагина яхлит бўлавермайди, чунки бир шахс билан боғлиқ чексиз ҳодисалар юз бериши мумкин ва унинг хатти-ҳаракати ҳам кўп миқдорлидир дейди. Балки шунинг учун Геракл ҳақида 4 та, Тесей ҳақида 3 та асар яратилгандир. Геракл ягона шахс, у ҳақида битта асар яратилса бўлади, деб ўйлайдиганлар хато қиласди.

Одиссей ҳақида навбатдаги асарни яратган Гомер аввалгилардан фарқли ва юксак бўлган бадиий яхлитликка эришди. Сабаби у бош қаҳрамон бошидан кечирган барча воқеаларни кўрсатмади. Асар ғоясини очадиган воқеаларни саралаб, эҳтимоли ва зарурати йўқларини бошқалар тилидан изоҳлайди. Сабабини Аристотел шундай изоҳлайди — акс эттириш битта нарсага ўхшатишдир, шундай экан ривоят ҳам муҳим ва тугал воқеани тасвири бўлиши лозим. Бунинг учун воқеаларнинг қисмлари шундай жойлаштирилсинки, бирон воқеа олиб ташланса, яхлит нарса ўзгариб кетсин, мавжудлиги сезилмаган воқеа бутуннинг узвий қисми бўла олмайди, деган хulosага келади. Бу хulosа драматурглар учун ўз ёзганларини қайта ислоҳ қилиб, такомиллаштиришларига кўмаклашадиган, асар ғоясини ифодалашга ойдинлик киритадиган талабдир.

Юқоридаги фикрлардан шу нарса маълум бўладики, драматургнинг вазифаси ҳақиқатдан бўлиб ўтган воқеани айнан ифодалаш эмас, балки содир бўлиши мумкин бўлган, бўлиши тахмин этилган ёки бўлиши зарур бўлган воқеани акс эттиришдир. Воқеани айнан ўзини, яъни қандай бўлса шундайлигича ифодалаш тарихчиларга тегишлидир. Масалан 1941йилнинг 22-июнида иккинчи жаҳон уруши бошланди ва у 1945 йилнинг 9-майида тугади. Бу ерда бирон санада хатога йўл қўйиб бўлмайди, чунки улар айнан ҳақиқат ва содир бўлган тарихий воқеалардир. Шунинг учун Аристотел ижодкорларни тарихчилар ва шоирларга ажратади ҳамда уларнинг фарқи насрда ёки назмда ёзганида эмас, балки тарихчи ҳақиқатдан бўлган, шоир эса бўлиши мумкин бўлган воқеани акс эттиришидадир, дейди. Шунинг учун поэзия тарихга қараганда фалсафийроқ ва таъсирчанроқдир. Сабаби поэзия умумий, тарих эса алоҳида воқеаларни тасвирлайди.

Драматургияда персонажлар муаллиф хоҳишига кўра, асар ғоясини очишга бўлган интилиши туфайли, ундан ёки бундай ҳаракат қиласди. Шунингдек, персонажларга исм қўйишда ҳам умумийликка интилади. Комедия ёзувчилар ҳам эҳтимоллик ва умумийлик асосида воқеалар оқимини тузиб, қаҳрамонларига зарурат туфайли исм қўядилар. Масалан, Ш.Бошбековнинг “Темир хотин” комедиясида: Кўчкор — қўйнинг эркаги; Қумри — қушнинг беозори ва хўжаликни эплай олмайдигани; Аломат — камомати бор аёл; Олимтой — олимнинг шаклланмагани, чунки ўзбекларда ёш болаларни эркалатиб исмига “той” қўшимчаси қўшилади; Салтанат — маҳалланинг “шефи”. Гоголнинг “Ревизор”

комедиясида: Хлестаков — Қамчибоев; шаҳар судяси Ляпкин-Тяпкин — Аккамдуккамбоев каби умумлашган исмларга эга.

Трагедиядаги бош қаҳрамон исмлари ўтмишдан олинади. Чунки юз берган тарихий воқеа ишончлидир. Бир ёки икки персонаж тарихий шахс бўлиши мумкин, қолганларини драматург ўйлаб топади. Трагедиянинг қаҳрамони — худолар, уларнинг фарзандлари, қироллар, шоҳлар, шаҳзодалар, маликалар ёки лоқал ҳалқ қаҳрамони бўлиши талаб қилинади. Чунки, улар билан содир бўлган воқеалар — ривоятлар шаклида ҳалққа маълум ва ишончлидир. Масалан, Прометей, Медея, Шоҳ Эдип, Қирол Лир, Гамлет, Клеопатра, Темурлан, Мирзо Улуғбек, Нодирабегим, Абулфайзхон, ҳалқ қаҳрамонларига мисол эса, Отелло ёки Жанна д'Аркдир.

Аристотел бу борада ҳам янгилик яратиш мумкинлигини таъкидлайди. Драматург ўз маҳорати билан эл орасида машҳур бўлмаган ривоятни ҳам трагедияга айлантира олади, деб ҳисоблайди. Бунга мисол қилиб, Аристотел ўз даврида Агафон номли драматург “Гул” номли трагедия яратиб, исмларни ва ривоятларни тўқиб чиқариб ном қозонганини эслайди ва шундай хulosага келади — демак, драматург ривоятларни ижод этиб, тасвир воситасида ҳаракатни — воқеалар оқимини гавдалантира олиши билан ном қозонади, чунки у ижодкордир. Драматургларнинг иқтидорсизлари содир бўлган воқеани ҳеч қандай заруратсиз ёки актёрларнинг имкониятига мослаб ички мазмунга зид тарзда ҳодисанинг табиий тартибини бузадилар. Иқтидорлilари эса фақат тугал воқеанини эмас, балки кўрқинч, ҳамдардлик уйғотадиган воқеаларни тасвирлайдилар. Кутимаган воқеа содир бўлмаган пайтда, унинг ортидан ҳайрон қолдирадигани, тасодифан рўй берса, томоша таъсири ортади.

Асар воқеаси оддий ёки ўзаро чирмashiб кетган, яъни мураккаб бўлади. Соддасида ягона воқеа тўхтовсиз ривожланади ва тақдир ўзгариши кескин бурилишсиз ҳамда тўсатдан англашсиз содир бўлади. Бир воқеадан кейин бошқасини юз бериши зарурат ёки эҳтимоллик асосида табиий акс этади. Мураккабида тўсатдан англаш ва кескин бурилиш содир бўлади. Улар сабабли бошқа кутимаган воқеа келиб чиқиши энг яхшисидир. Содда воқеалиларига классицизм, яъни бир воқеа, бир жойда, бир вақтда содир бўлиши мисол бўлади. Масалан, Сарайнинг “Хей ким бор” асарида ягона воқеа содир бўлади, у турмада, бир кунда — воқеа, замон ва макон бирлигida бўлиб ўтади.

Юқоридагилардан келиб чиқиб ҳар қандай томоша турига тааллукли бўлган умумийликни англаймиз. Бу қоидаларни Аристотел — Эсхил, Софокл, Еврипид каби трагиклар ижоди, Аристофан каби комедия устаси асаллари асосида ихтиро қиласи. Уларга тегишли умумийлик: қаҳрамон тақдирида буюк хато содир бўлади; шу хато асосида мушкулотлар бошдан кечирилади; тўсатдан англаш юз беради; перипетия — кескин бурилиш содир бўлади; пафос, яъни эҳтирослар очилиб кетади ва табиий ечимга эришилади. Улуғ ёки машҳур шахс сабабчи бўлмаган хато туфайли, унинг тақдирида мушкулотлар бошланади, улар бош қаҳрамон тақдирига ачиниш ҳиссини пайдо қиласи, тўсатдан англаш ва перипетия қўрқувни юзага келтиради, пафос эса — ҳалокат ёки изтироб келтирувчи эҳтиросли ҳаракатдир. Бу ҳаракат туфайли воқеани тугаши — ечимга олиб келади. Демак, воқеалар оқими —

хатодан яъни билмасдан қилинган хатти-ҳаракатдан бошланади ва юқоридаги умумий талабларни ўтаб, ечимга эга бўлади.

Саҳна асари таҳлили масаласини янада такомиллаштирган машҳур режиссёр, педагог, “Станиславский системаси” асосида ишлаб, уни ривожлантирган Г.Товстоногов ва педагог-режиссёр А.Кацманларнинг ўзига хос ёндашуви ни кўриб чиқамиз. Улар талқинида воқеага икки хил изоҳ берилади. Воқеа — макон ва замонда кечадиган ҳаёт тарзи бўлиб, у мақсадли ҳаракатни пайдо қиласиган шарт-шароитлар йифиндисидир. Ёки, мақсадли ҳаракатнинг макон ва вақт бирлигida амалга ошиши — воқеа дейилади. Агар воқеа шарт-шароитлар йифиндиси деб қаралса, унинг таркибий қисмларини ҳам таҳлилий ўрганиш лозим. Улар, бошланғич шарт-шароит ва етакчи шарт-шароитдир, деб изоҳлайди юқоридаги ижодкорлар.

Бошланғич (исходное) шарт-шароит ўзгармас бўлиб, у асардаги барча қарама-қаршилик ва курашларнинг асоси ҳамда ҳал қилиниши керак бўлган муҳим масаладир.

Аристотел изоҳига кўра, бу “катта хато”, деб аталади ва у барча мушкулотларни келтириб чиқарадиган ҳамда ҳал қилиниши зарур бўлган масаладир. Ҳақиқатдан ҳам, бу масала то ечими топилмагунча ўзгармасдир. Масалан: А.Қаҳҳорнинг “Оғриқ тишлар” комедиясида мактаб ўқувчиси Насибани ёш турмушга чиқиши; Шекспирнинг “Ромео ва Жульєтта”сида икки қабила ўртасидаги низо; Гоголнинг “Ревизор”ида шаҳардаги ўзбилармончилик асосидаги тартибсизликнинг авж олгани, асар ўз ечимида эга бўлмагунча ҳал қилиниши зарур бўлган, ўзгармас масаладир.

Етакчи (ведущее) шарт-шароит — бошланғич шарт-шароитга қарама-қарши бўлган ва энди нима бўлар экан деган муаммони пайдо қиласиган ҳамда воқеалар оқимини мантиқий равишда муаммо ечимида олиб борадиган тизимдир. Бу оқим томошибинлар кўз олдида содир бўлади ва кўрувчиларни томоша иштирокчисига айлантиради. Масалан: “Оғриқ тишлар”да мактаб ўқувчиси Насибага ноқонуний хужжат тўғирлаб берилиши; ”Ромео ва Жульєтта”да низолашган оилаларнинг фарзандларининг бир-бирини севиб қолиши; “Ревизор”да қонун бузарларни ревизорни кутиб олиш учун бирлашиши етакчи шарт-шароитдир. У бошланғич шарт-шароитга қарши чиқиб, “энди нима бўлар экан?”, деган муаммони пайдо қиласиди.

Муаммо ўз мантиқий ечимида эга бўлгунга қадар, етакчи шарт-шароит пайдо қиласиган воқеалар оқими барчани ҳаракатга келтирадиган асосга айланади. Мана шу асосни Станиславский “етакчи хатти-ҳаракат”, деб атайди. Юқоридагилардан келиб чиқадиган бўлсақ, спектакл — бошланғич (исходное событие) воқеа, асосий (основное событие) воқеа, марказий (центральное событие) воқеа, якуний (финальное событие) воқеа ва ҳал қилувчи (главное событие) воқеалар тизимиdir.

Бошланғич воқеа — томошани бошлаб берадиган ва ўзидан кейин келадиган воқеаларга асос бўлиб, парда очилишидан анча аввал содир бўлади. У энг кескинлашган жойидан бошлаб саҳнага кўчади ва бошланғич воқеа сифатида шу ерда якун топади. Бу якун ўзидан кейинги воқеалар тизимида асос бўлиб қолади. Бошланғич воқеа актёрларга “шлейф дня” — анча аввал содир бўлган воқеа юкини саҳнага олиб чиқишига ва уни парда очилгандан сўнг кескинлаштириб, якунлашига

асос бўлади. Масалан: “Темир хотин”да Кўчқорни муқим ичиб келишидан безиган Кумри, саккиз боласи билан тонг отгунча, маст эри билан курашиши натижасида — “жанжал” воқеасидан парда очилади. Бу воқеа актёрлар учун парда очилгунча жамланган мушкулотлар юкини сахнага олиб чиқишига асос бўлади. “Жанжал” воқеасидаги кураш кескинлашиб, Кумрини аразлаб кетиши билан барҳам топади. Бу қилмиш Кўчқорни — “Кетсанг онаси ўпмаганига уйланаман”, деган қарорга олиб келади. Бу “жанжал” араз ва қарор сабабли пайдо бўладиган — “асосий воқеа”ни келтириб чиқаради.

Асосий воқеа — бош қаҳрамоннинг етакчи хатти-ҳаракатини бошлаб беради ва пайдо бўлган янги шароит билан кураш бошланади. Кўчқорнинг уйига Олимтой қутида — “онаси ўпмаган қиз — робот Аломат”ни олиб келади. Бу воқеа “танишув” бўлиб, у никоҳ билан якунланади. Кўчқорни роботга уйланиб олиши томошанинг — “марказий воқеа”сини пайдо қиласди.

Марказий воқеа — курашни кескинлашиб боришига ва кутилмаган бурилишнинг содир бўлишига шароит яратади. Аристотел перипетияга, яъни кескин бурилишгача бўлган воқеаларни “тугун”, ундан кейингиларини “ечим”, деб атайман дегандা, юқоридаги изоҳларни назрада тутган бўлса ажаб эмас. Аристотел ва Станиславский изоҳларини англаб етган Товstonогов ва Кацманлар воқеалар тизими таҳлилини ўзига хос тарзда изоҳлаб, “хатти-ҳаракат таҳлили” тушунчасини янада бойитдилар.

“Темир хотин”даги марказий воқеа робот — Аломатга “қизил диск” қўйилишидан бошланиб, кураш ўта кескинлашиб, Кўчқорни “типпоз” қилиш воқеасидан сўнг, унинг дунёқарашида кутилмаган бурилиш шаклланади. Робот туйғусиз — хотини эса меҳрибон, сезгир, итоаткор эканлигини анлаш бошланади. Бу англаш — “якуний воқеа”га асос бўлади ва Кўчқор ўз туйғулари тўғри эканлигига ишонч ҳосил қиласди.

Якуний воқеа — бош қаҳрамоннинг етакчи хатти-ҳаракатини тугаши, курашнинг барҳам топиши ва мантиқий ечимга шароит яратилишидир. Масалан, робот — Аломатни, ўзбек аёли ҳар куни қиладиган ишни ўн фоизини бажаришга кучи етмай ёниб кетиши “фожеа” номли воқеани пайдо қиласди. Бу воқеа Кўчқорнинг етакчи хатти-ҳаракатига барҳам беради. Олимтойнинг айбловларига қарши чиқиб, Кумрини — Аломатдан ҳар томонлама устунлигини, ҳис-туйғули инсонлигини исботлай олади. Кураш тўхтайди. Аристотел асарнинг ёки томошанинг бу қисмини — “пафос — эҳтиросларнинг очилиб кетиши”, деб изоҳлайди. Ҳақиқатдан ҳам, якуний воқеада эҳтирослар жўш уради. Ҳал қилиниши зарур бўлган масала — эҳтиросли муҳокамага айланади. Бу воқеа, яъни “фожеа” ҳал қилувчи сахнага — “ечим”га асос бўлади.

Ҳал қилувчи воқеа — “ярашиш” спектакл ғоясини очадиган, ижодий жамоанинг олий мақсадини намоён қиладиган, ҳал қилиниши зарур бўлган масалани таъкидлайдиган, танланган мавзунинг долзарблигини асослайдиган сўнгги сахна. Ҳал қилувчи сўнгги сахнада муҳим ва тутал воқеа якунланади. Томошабин учун мавҳум бўлган масалалар ўз ечимини топади. Масалан, Кумрининг қайтиб келиши, эр-хотиннинг бир-бирини тан олиши, муқаддас оилани тикланиши, уни сақлаб турадиган ўзбек аёлининг улуғ эканлиги томошабинга аниқ

бўлади. Театр ўз спектакли билан айтмоқчи бўлган ғояси — олий мақсади, актёрлар учун томошадан-томушага завқ билан саҳнага чиқишига замин яратади.

Жаҳонга машҳур режиссёр-педагог Шуҳрат Аббосов шогирдларига — “ҳал қилувчи воқеа”ни — “тарсаки” кучига тенг ечимини топсанг, спектаклнинг композицияси ойдинлашади, тополмасанг тасаввуринг турли томонга олиб қочаверади, дейди.

Педагог-режиссёр Анатолий Кабулов шогирдларига — “пардани қайси кескин воқеа билан очсан? Кутимаган бирилиш қачон содир бўлади? Парда қайси муҳим воқеа билан ёпилади? Шуларни тўғри аниқлаб кел, деб асарни қайта таҳлил қилишга ундарди.

Юқоридаги фикрлар Аристотел таъкидлаган “муҳим ва тугал воқеа” томоша санъати турларининг, шунингдек драматургиянинг, режиссуранинг ҳамда актёрлик санъатини таянчи эканлигини исботлайди. Саҳна асарининг воқеалар тизимини тўғри аниқлаш ижодкор режиссёр учун спектаклнинг олий мақсадини англашга асос бўлса, актёрлар учун етакчи хатти-ҳаракатни аниқлашга ва муҳитни хис қилишга таянчdir. Шунинг учун воқеаларни тўғри номлаш муҳим ва масъулиятли ижодий жараёндир.

Мутахассислар воқеани феъл билан номлашни тўғри деб ҳисоблайдилар. Масалан: кўчада бирон воқеа содир бўлиб ўтса — нима бўлди? деб сўраймиз; ўзимиз гувоҳ бўлиб турган воқеага аниқлик киритиш учун — нима бўляпти? деб сўрасак — “авария” ёки “жанжал” деган жавобни эшитамиз. Демак, инсонлар воқеага гувоҳ бўладилар, воқеа ичida яшайдилар ва уларни “феъл” билан аниқ номлай оладилар. Бу ҳаёт қонуни.

Хулоса қилиб айтганда, саҳна асари таҳлилида ҳаёт ва саҳналаштириш талабларига амал қилиб воқеалар тизимини қисқа ва лўнда қилиб, аниқ номлай олсак спектаклнинг олий мақсади ва етакчи хатти-ҳаракати ижодкорларга ҳамда томошабинларга тушунарли бўлади. Аристотел таъбири билан айтганда, воқеалар тизими томоша санъати турларининг қалби ва таянчи эканлиги ҳақида айтилганлар етарлидир.

### **Мавзуни мустаҳкамлаш учун саволлар**

1. Режиссёр талқини тушунчасини изоҳланг.
2. Станиславский асар таҳлили ва режиссёрлик талқинини нега саҳналаштириш санъатининг “алифбе”си деб ҳисоблайди?
3. Хатти-ҳаракат таҳлили деганда нима назарда тутилади?
4. Воқеалар тартиби нега фабула дейилади?
5. Режиссёр воқеалар тартибини қандай аниқлайди?
6. Театр ижодкорлари учун воқеалар тизими нега таянч ҳисобланади?
7. Воқеалар оқими А.П.Чехов асарларида нима сабабдан ўзига хос тарзда ифодаланган?
8. Муҳим ва тугал воқеа деган тушунчани изоҳланг.
9. Бошлангич воқеа қандай аниқланади?
10. Асосий воқеа нега персонажлар курашини кескинлаштиради?
11. Марказий воқеада нега кескин бурилиш содир бўлади?
12. Якуний воқеада нега курашлар барҳам топади?

- 13.Хал қилувчи воқеада ғоянинг очилишини қандай изоҳлайсиз?
- 14.Воқеалар нега феъл билан номланади?
15. Спектаклнинг бадиий яхлитлигига нега воқеа таянч ҳисобланади?

### **Адабиётлар рўйхати**

1. Авлоний А. Туркий гулистон ёхуд ахлоқ. — Т.: Ўқитувчи, 1992.
2. Азизов Т. Менинг режиссёрлик ишларим. — Т.: ТДСИ, 2003.
3. Демин В.П. Формирование личности режиссёра. Саратов, 1983.

### **АМАЛИЙ МАШҒУЛОТЛАР МАЗМУНИ**

Маъруздан сўнг режалаштирилган дастлабки икки мавзу бўйича амалий машғулотлар маъруза машғулотининг мавзуси асосида ташкил этилади. Бунда тингловчилар мустақил равишда, шунингдек педагог томонидан таклиф этилган йўналиш бўйича амалий топшириқларни бажарадилар. Топшириқ ёзма, саволжавоб тарзида ёки амалий ижро ёки бошқа шаклда бажарилиши мумкин.


Назарий таълим режалаштирилмаган амалий машғулотлар қуйи келтирилган режалар асосида ташкил этилади. Амалий машғулотлар тингловчиларнинг таклиф этилаётган мавзуга бўлган муносабатини ёзма, оғзаки жавоб ёки амалий ижро кўринишларида ифода этишлари учун имкон яратиши кўзда тутилган. Амалий машғулотлардаги режалаштирилган масалалар педагог томонидан маҳсус тайёрланган тарқатма материаллар, ёзма манбалар, қўшимча воситалардан амалий фойдаланиш орқали тингловчиларнинг фаоллигини ошириш учун хизмат қилиши керак.

### **КЎЧМА МАШҒУЛОТЛАР МАЗМУНИ**


Тингловчилар билан “Дийдор” театр студиясига ташриф буюрилади.

## ДИДАКТИК МАТЕРИАЛЛАР


Таққослаш таблицаси: Драматик асар таҳлилини жадвал ёрдамида  
таққосланг



1-жадвал



2-жадвал



1-слайд

## Саҳна санъати ва саҳна ҳунари

<ul style="list-style-type: none"> <li>- Поэт своего дела           <ul style="list-style-type: none"> <li>- Артист</li> <li>- Актёр</li> <li>- Ремесло</li> </ul> </li> <li>- Самодеятельность           <ul style="list-style-type: none"> <li>- Ломание</li> </ul> </li> <li>- Ложный «актёрский» пафос</li> <li>- Любить себя в искусстве</li> </ul>		<ul style="list-style-type: none"> <li>- Ўз касбининг шоири</li> <li>- Артист</li> <li>- Актёр</li> <li>- Ҳунармандлик</li> <li>- Ҳаваскорлик</li> <li>- Қилиқ қилиш</li> <li>- Эҳтиросни bemavrid «очик» ишлатиш</li> <li>- Ўзини санъатда севиш, кўз-кўз қилиш</li> </ul>
--	--	---

2-слайд



Бу чизма шундай изохланади. Театр санъатининг бошланғич асоси “ҳаваскорлык” бўлиб, студияга ўқишга қабул қилинганлар даражасидир. Унинг таърифи – “барчанинг эсига келадиган қолип – штамплардан баҳоли қудрат фойдаланувчи ўқувчи – ҳаваскор, дейилади. Ўқишга қабул қилинган ҳаваскорлар сахна хунари талабларига ўргатилади.

### 3-слайд



## ГЛОССАРИЙ

**Авж** (кульминация) — курашнинг энг кескин нүктаси ва асар перипетиясини белгилайдиган қисм. Кульминация — лотинча “чўққи” деган сўздан олинган бўлиб, драматик асардаги воқеалар ривожининг ечимга қараб интиладиган қисми.

**Акт** — ҳаракат, яъни персонажлар интилишининг бошланиши, ривожи, авж ва перипетия орқали ечимга келиши жараёнидаги хатти-ҳаракатлар мажмуини, бадий яхлитликни англатади.

**Актёр** — драма, опера, балет, қўғирчоқ театри, цирк, театр, кино, радио (инсценировка, постановка, монтаж) ва телевидениеда муаллиф персонаж учун белгилаган “акт” — ҳаракатни бажаришга қудрати етадиган ижодкор-ижрочи.

**Актёрлик туйғуси** — ҳар бир спектаклда актёрга хизмат қилишга тайёр турган ҳунармандлик кўнимаси. Бу “ғамхўр кўнималар” ҳар бир ролни актёрнинг мушаклари ва туйғулари хотирасида сақланиб қолган штампларга таянган ҳолда намойиш этишга қодир. Моҳирона ижро этилган ролда кечаги ҳаракатлар ва туйғулар айнан такрорланади.

**Асосий воқеа** — бош қаҳрамоннинг етакчи хатти-ҳаракатини бошлаб беради ва пайдо бўлган янги шароит билан кураш бошланадиган қисм.

**Ақл** — (театр санъатида) драматургик асоснинг моҳиятини англаб етадиган фаросат, мавзу, ғоя, воқеалар тартиби ва характерлар ифодаланган яхлитликни тасаввур қилиш ва ҳис қилиш қудрати, уни бадий тафаккур ёрдамида қандай шаклда амалиётда томошага айлантиришни биладиган ижодий туйғу.

**Бадий** — атамаси араб тилидаги “бадъун”, “бадеъа” сўзидан олинган бўлиб — янгилик киритиш, яратиш, ижод қилиш, ўйлаб топиш, кашф этиш каби маъноларни англатади. Бу атама гўзаллик қонуниятларига амал қилувчи санъат турларининг энг бирламчи, етакчи тушунчасини билдиради.

**Бадийлик** — санъат турларининг бош хусусияти сифатида воқеликни бетакрор образлар асосида акс эттирилишини, тор маънода эса бирон санъат асарининг эстетик моҳиятини белгиловчи мезонни англатади. Бадийлик санъатнинг барча турларини ўзига хос восита ҳамда имкониятлари асосида воқеликни қайта ижодий идрок этиш орқали акс эттирувчи ва бирлаштириб турувчи ягона умумий хусусиятдир.

**Бадий образ** — воқеликни, ҳаётий мушоҳадаларни, таассуротларни ижодкор дунёқарashi, эстетик идеали орқали қайта ишланиши оқибатида — янгидан яратилишидир. Бадий образ — ижодкор шуури, эстетик идеали, дунёқарashi, мақсади ва ғояси орқали синтезлашган воқеликнинг алоҳида, бетакрорликда умумлаштирилган инъикосидан иборат.

**Бошланғич воқеа** — томошани бошлаб берадиган ва ўзидан кейин келадиган воқеаларга асос бўлиб, парда очилишидан анча аввал содир бўлади. У энг кескинлашган жойидан бошлаб саҳнага кўчади ва бошланғич воқеа сифатида шу ерда якун топади.

**Бошланғич** (исходное) **шарт-шароит** — ўзгармас бўлиб, у асардаги барча қарама-қаршилик ва курашларнинг асоси ҳамда ҳал қилиниши керак бўлган муҳим масаладир.

**Воқеа** — спектаклдаги хатти-ҳаракатларнинг таянчи, макон ва замонда кечадиган ҳаёт тарзи бўлиб, у мақсадли ҳаракатни пайдо қиласидиган шарт-

шароитлар йигиндисидир. Ёки мақсадли ҳаракатнинг макон ва вақт бирлигидан амалга ошиши — воқеа дейилади. У томошанинг қалбидир.

**Водевиль** — диалоглар, айрим куплетларни куйлаш, рақслар билан алмашиниб турадиган енгил, ҳазиломуз томоша.

**Декорация** — саҳнада кўрсатилаётган воқеа ўрнини акс эттиришга, спектаклнинг ғоявий маъносини рамзий очишга ва воқеа муҳитини англашга хизмат қилувчи сунъий манзара, бадиий жиҳоз.

**Диктатор режиссёр** — факат ўзини айтганини қаттиқўллик билан бажартирувчи, ўзини театрда ягона ҳоким деб билувчи шахс.

**Драма** — юончада “ҳаракат қилмоқ” маъносини англатади. ва трагедия ҳамда комедиядан ўзига тегишли жиҳатларни жамлаган жанр. Унда персонажлар ижобий ва салбий сифатларга ажралади.

**Етакчи хатти-ҳаракат** — бу актёрнинг аниқ мақсадга мувофиқ интилиши бўлиб, пьесадаги курашларни бошқарувчи, персонажларнинг хатти-ҳаракати қаёқдан-қаёққа йўналишини белгиловчи, уларнинг воқеада жойлашиш тартибини тизимли ипга терувчи ва ечимга етакловчи ҳаракат.

**Етакчи (ведущее) шарт-шароит** — бошланғич шарт-шароитга қарама-қарши бўлган ва энди нима бўлар экан деган муаммони пайдо қиласидан ҳамда воқеалар оқимини мантиқий равищда муаммо ечимида олиб борадиган тизимдир.

**Ечим (развязка)** — курашнинг барҳам топиши ва ғоянинг очилишига хизмат қиласидан якуний қисм. Асарда тасвирланган воқеаларнинг ривожланиши натижасида юзага келган қаҳрамонлар курашининг хотимаси, ҳал қилиниши керак бўлган муҳим масаланинг ечимиdir.

**Жанр** — французча сўз бўлиб — “тур”, “хил” маъносини англатиб, асарнинг ёки томошанинг муаллиф муносабатига қараб турларга бўлинишидир.

**Ижодкор режиссёр** — театрнинг бадиий йўналишини белгилайдиган, ҳар бир саҳналаштирган спектаклини воқеликка айлантириш қудратига эга бунёдкор.

**Ижодкорлик туйғуси** — “инжиқ илҳомни” доим чақириб олишга ва уни ўз ролига хизмат қилдиришга қодир бўлган актёрларда шаклланган бўлади. Бундай актёрлар намойиш этишдан юқорироқ бўлган босқичга — ўз ролини ҳар бир спектаклда қайта кечинишга эришади. Ижодкорлик туйғуси — ўзидан қониқмаслик, саҳнада кечагидан яхшироқ, эркинроқ, маънилироқ, завқлироқ, мукамал ҳаракат қилиш орқали ролнинг бадиий яхлитлигига интилиши каби тушунчаларни ўз ичига оларди.

**Илҳом** — бу атама араб тилидаги — таъсир кўрсатиш, шавқ-рағбат уйғотиш маъноларини ифодаловчи сўздан олинган бўлиб, амалиёт ва назарияда ижодкорнинг шавқ билан ишга киришишини англатади. Илҳом узоқ изланишлар, пайдо бўлганини инкор қилишлар, янги ечим топиш учун сабот билан ўрганиш натижасида, тўғри ечими топишга ишонган пайтда пайдо бўладиган қўшимча кучдир. Бу куч факат мақсадга мувофиқ тўпланганида, ички ижодий эркинлик пайдо бўлганида, тасаввур яратганларини тартибга соганида, уни ижодий ечимга олиб боришига ишонганда пайдо бўлади.

**Ирода** — ролнинг образини яратиш учун қанча ақл, куч, сабр-тоқат, қийинчиликларни матонат билан енгадиган ишонч, изланиш, қайта изланиш,

кузатиши ва уларни жамлаб, амалиётга тадбиқ қилиб, то ижобий натижага эришмагунча тинчлик бермайдиган қувват—яратувчилик қудрати.

**Кириш** (экспозиция) — парда очилганда нима бўляпти?, қачон ва қаерда бўляпти?, деган саволларга жавоб бериб томошабинни асар муҳитига олиб қирадиган қисм.

**Конфликт** — лотинча “ихтиоф”, “тўқнашиш” тушунчаси бўлиб, бадий асарда тасвирланган воқеа иштирокчилари ўртасидаги курашни, зиддиятни, келишмовчиликни, ихтиофни англатади.

**Комедия** — юончада “қувноқ томоша”, кулгули қўшиқ маъносини англатади. Унда ҳаётдаги кулгили ҳодисалар тасвир этилади, ижтимоий ва оиласий можаролар, кишилар характеристидаги баъзи бир қусурли хусусиятлар очиб ташланади. Комедия драматик асарнинг бир тури сифатида қувноқ халқ томошалари заминида вужудга келган.

**Композиция** — саҳна асари воқеаларининг тизимли тартибини аниқлаш бўлиб, у кириш, тугун, ривож, авж ва ечим каби таркибий қисмлардан иборат. Композиция — бўлаклар билан яхлитлик ўртасидаги ўзаро мувозанатdir.

**Мавзу** (тема) — асли, юонча сўз бўлиб, муаллиф танлаган ва тасвирланган ҳаёт воқеалари, асарда қўйилган муҳим масалалар, ёритилган муаммолар мажмуасидан иборат. Муаллифнинг дарди — асарда қўйилган ва маълум ҳаёт материали асосида ёритилган муаммодир.

**Марказий воқеа** — курашни кескинлашиб боришига ва кутилмаган бурилишнинг содир бўлишига шароит яратади. Аристотел перипетияга, яъни кескин бурилишгacha бўлган воқеаларни “тугун”, ундан кейингиларини “ечим”, деб атайман деганда, юқоридаги изоҳларни назрада тутган бўлса ажаб эмас.

**Мизансцена** — саҳнада актёрларни ва жиҳозларни мақсадга мувофиқ жойлаштириш ҳамда жой алмаштиришларидир.

**Образ** — санъатда қайта идрок этилган воқелик ҳамда характер тасвири.

**Образнинг олий мақсади** — персонаж интилаётган энг муҳим мақсад.

**Образ мағзи** (зерно) — персонажнинг асосий сифати. Инсоннинг фақат ўзига хос хусусиятлари — асарнинг берилган шарт-шароитида ҳаракатга келтирувчи характер мағзи.

**Образлилик** — воқеликни образлар орқали тасвирлаш, бадий яхлитликада ифодалаш.

**Пафос** — эҳтиросларнинг очилиб кетиши.

**Режиссёр** — ижтимоий шароитни, ундан вужудга келган субъектив омилларни чукур ўрганиш асосидагина халқнинг, жамиятнинг манфаат ва мақсадларини муайян бадий шаклга солиб, яхлит бир дастур ҳолига келтирадиган шахс, раҳбар, етакчидир.

**Режиссура** — спектакл яратиш санъати.

**Ролнинг партетураси** — нозик кечинмаларни ва кучли эҳтиросларни келтириб чиқарадиган, жисмоний хатти-ҳаракатларнинг мантиқли ва изчил тизимини ифодалайдиган, бошланишдан то ечимгача бажариладиган ҳаракатларнинг ёзма ифодаси.

**Рол устида ишлаш** — драматург фикр-гоясини, асар руҳиятини, персонажлар характеристини, режиссёр режаси моҳиятини чукур англашга ва стол атрофидаги

репетицияларда берилган шарт-шароитни ҳис қилиш ҳамда ўзлаштириш орқали саҳнада ролнинг образини яратишга интилиш жараёни.

**Санъаткорлик туйғуси** — ижодкорлик туйғуси тўғри тарбияланган, маънавий қиёфаси шаклланган, бадиий тасаввури ва тафаккури бой, яратувчанлик қудратига эга бўлган актёрлар кўтариладиган даража. Бундай санъаткорлар яратган ролнинг образлари — миллатнинг маънавий мулкига, маданий бойлигига айланади.

**Саҳнавий атмосфера** — воқеа, макон ва вақт муҳитини яратиш. У ҳаётйлик билан саҳна шартлилиги ўртасидаги тўғри мувозанатдан ташкил топади.

**Саҳнавий ҳақиқат** — акл, иромда ва ҳиссиятнинг актёрлар ҳаракатида уйғунлашиши. У актёрнинг ижодкорлик туйғуси тўғри ишлаган дамларда ижодий кайфиятни ва муҳит ҳақиқатини пайдо қиласи.

**Система** — бирон соҳанинг атамаларини мантиқан ва изчил тизимга келтириш ва тартибга солиш тушунчасидир.

**Студия** — бу атама кенг маъноли бўлиб, театр қошида ўкув жараёнини ташкил қилиш, шунингдек, театрда бош қаҳрамон, етакчи актёр, машҳурлик каби табақалаштириш одатидан воз кечиш эвазига ижодий муҳит яратиш тушунчасидир.

**Сюжет** — французча сўз бўлиб “асос” (предмет) деган маънони англатади. Драматик асарнинг бевосита мазмунини ташкил этган, ўзаро боғланган ва ривожланиб борувчи ҳаётий воқеалар баёни, асарда иштирок этувчи кишиларнинг ўзаро муносабати, бир-бирига ўзаро таъсири, персонажлар ҳарактерининг юкланишини жамлаган изоҳ — сюжетдир.

**Темпо-ритм** — муҳит ва воқеанинг руҳий иситмаси, эҳтирос даражаси. Темпо — италянчада “тезлик”, эҳтирос даражаси деган маънони англатади ва саҳнада маълум бир вақтда бажариладиган вазифалар “истмаси” микдорини белгилайди. Ритм — грекча сўз бўлиб “бир текис”, “бир ўлчовда” маъносини англатади. Темпоритм — бу спектаклнинг маълум бир вақтда, маълум бир тезликда ўтишидир. Бу атама режиссурага музикадан кириб келган бўлиб, театр санъатида бир томоша вақтда актёрлар бажарадиган вазифалар меъёридир.

**Трагедия** — драматик асар турларидан бири бўлиб, унда иложсиз вазият, ҳалок этувчи оғир ва тенг бўлмаган кураш негизида бош қаҳрамоннинг ҳаракети ҳамда ҳалокати сабаби очиб берилади. Трагедия драманинг — дардли кураш ифодаланган ҳаракатнинг энг қадимги туридир.

**Тугун** (завязка) — энди нима бўлар экан? деган муаммони пайдо қиласидан ва интригани кучайтирадиган қисм. Ҳал қилиниши зарур бўлган муҳим масалани пайдо бўлиши. Тугун — драматик асарда асосий воқеанинг бошланиши бўлиб, барча воқеалар мана шу тугундан кейин ривожланади. Ундан кейин хатти-ҳаракат олдинга қараб силжийди, интилади, тезлашади, ҳар хил бурилишлар, сакрашлар вужудга келади, хатти-ҳаракат қилувчи шахслар ўртасидаги кураш кучайиб ҳал қилувчи тўқнашувга бориб етади.

**Фабула** — воқеалар тартибини бош қаҳрамон билан боғлиқ ҳолда баён воситасида изоҳлаш.

**Характер** — юонча сўз бўлиб “хосса”, “хусусият” маъносини англатади. Кишилардаги хилма-хил ижтимоий муҳит ва тарбия туфайли туғилган турлича хулқ-атвор ва туйғу ҳамда баҳолаш каби психологик хусусиятлар ҳаракет деб

аталади. Кишиларнинг хулқ-атвори ва фазилатлари, уларни ўраб олган ижтимоий мухит, оила ва мактаб тарбияси таъсирида шаклланади, ўсади, ўзгаради. Бадиий асарда индивидуал хусусиятлар билан яққол гавдалантирилган, тўла ва аниқ тасвирланган инсон образига — характер дейилади.

**Хатти-ҳаракат** — инсон характерини энг аниқ ва ёрқин тасвирловчи, унинг ақлий қобилиятини ва мақсадини кўрсата олувчи асосдир. Инсоннинг феъли қандай эканлигини, унинг юрагини чуқур жойларида нималар борлигини факат хатти-харакат билан кўрсата олиш мумкин.

**Юмор** — лотинчада “намлик” маъносини англатади. Юмористик асарда турмушдаги ва айрим кишилардаги баъзи бир камчиликлар енгил танқид остига олинади. Бу асарда муаллиф танқид қилинаётган объектнинг йўқ бўлиб кетишини истамайди. Енгил кулгу — юмор орқали, унга ҳатто ачинади ва ундаги камчиликларнинг тузалишини истайди. Шуниси билан юмор сатирадан фарқ қиласди.

**Якуний воқеа** — бош қаҳрамоннинг етакчи хатти-харакатини тугаши, курашнинг барҳам топиши ва мантиқий ечимга шароит яратилишидир.

**Ҳал қилувчи воқеа** — спектакл ғоясини очадиган, ижодий жамоанинг олий мақсадини намоён қиласдиган, ҳал қилиниши зарур бўлган масалани таъкидлайдиган, танланган мавзунинг долзарблигини асослайдиган сўнгги саҳна. Ҳал қилувчи сўнгги саҳнада муҳим ва тутал воқеа якунланади. Унда томошабин учун мавҳум бўлган масалалар ўз ечимини топади.

**Ҳиссиёт** — ақл ва ироданинг уйғунлашган жойида пайдо бўладиган саҳнавий туйғу. Саҳнавий ҳиссиёт — англанган, бадиий шакли топилган, харакатлар табиийлиги билан завқ берадиган ижрони томошабинга етказиши соғиниш, персонажнинг интилишини, орзу-умидларини, завқу шавқини, чуқур кечинмаларини, дарду аламини, нозик ҳисларини ҳамдард — томошабинга улашишни доим хоҳлаш, жамлаганини, ҳис қилганларини тарқатишга ошиқиши туйғуси.